



吳氏
重訂

本草綱目

九
一
十六

Kitasato Memorial Medical Library






✕
h 49

Kitasato Memorial Medical Library

F
永-47



499.9
H0-5
3

No. 1849

12 6 49



醫士川文庫
3421

本草綱目石部目錄第九卷

石之三 石類上三十二種

尾張淺井氏記

丹砂 本經 水銀 本經 水銀粉 嘉祐即輕粉

粉霜 綱目 銀朱 綱目 靈砂 證類

雄黃 本經 雌黃 本經

石膏 本經即寒水石 龍石膏附 理石 本經白肌石附

長石 本經 方解石 別錄 滑石 本經

不灰木 開寶松石附 五色石脂 本經

桃花石 唐本 爐甘石 綱目 井泉石 嘉祐

本草綱目石部 卷九 目錄

無名異

開寶

蜜栗子

綱目

石鍾乳

本經

孔公孽

本經

殷孽

本經

石牀石花石骨附

土殷孽

別錄

石腦

別錄

石髓

拾遺

石腦油

嘉祐地溲附

石炭

綱目然石附

石灰

本經

石麩

綱目

浮石

日華暈石附

石芝

綱目

右附方舊六十九新三百一十七

本草綱目石部第九卷

石之三

石類上三十二種

丹砂

本經上品 千金翼衍名真朱

釋名朱砂

時珍曰丹乃石名其字從井中一點象丹在井中之形義出許慎說文後人以

丹為朱色之名故呼朱砂

集解

別錄曰丹砂生符陵山谷采無時光色如雲母可拆者良作末名真朱弘景曰即今朱砂

也俗醫別取武都仇池雄黃夾雌黃者名為丹砂用之謬矣符陵是涪州接巴郡南今無復采者乃出武陵西川諸蠻夷中皆通屬巴地故謂之巴砂仙經亦用越砂即出廣州臨漳者此二處並好惟須光明瑩徹為佳如雲母片者謂之雲母砂如樗蒲子紫石英形者謂之馬齒砂亦好如大小豆及

禱音雜
五形相會

四面下可有
面字

大塊圓滑者謂之豆砂。細末碎者謂之末砂。此二種粗不入藥用。但可畫用爾。朱砂皆鑿坎入數丈許。雖同由一郡縣。亦有奸惡。地有水井勝火井也。仙方煉餌。最為長生之寶。恭曰丹砂大畧二種。有土砂石砂。其土砂復有塊砂末砂。體並重而色黃黑。不任畫用。療瘡疥亦好。但不入心腹之藥。然可燒之。出水銀乃多也。其石砂有十數品。最上者為光明砂云。一類別生一石龕內。大者如雞卵。小者如棗栗。形似芙蓉。破之如雲母。光明照徹。在龕中石臺上生。得此者帶之辟惡。為上。其次或出石中。或出水內。形塊大者如拇指。小者如杏仁。光明無。名馬牙砂。一名無重砂。入藥及畫俱善。俗間亦少有之。其磨簏新井別井水。井火井。芙蓉石。末石。堆豆末等砂。形類頗相似。入藥及畫。當擇去其。土石便可用矣。別有越砂。大者如拳。小者如雞鴨卵。形雖大。其雜土石不如細而明淨者。經言末之名真朱者。謬矣。豈有一物以全末殊名乎。數曰砂。凡百等。不可一一論。有妙疏砂。如拳許大。或重一

鑑。有十四面。面如鏡。若遇陰沉天雨。即鏡面上有紅漿汁出。有梅栢砂。如梅子許大。夜有光生。照見一室。有白庭砂。如帝珠子許大。面上有小星現。有神座砂。金座砂。玉座砂。不經丹竈。服之而自延壽。命。次有白金砂。澄水砂。陰成砂。辰錦砂。芙蓉砂。鏡面砂。箭鏃砂。曹末砂。土砂。金星砂。平面砂。神末砂。等。不可一一細述也。頌曰。今出辰州宜州。階州。而辰砂為最。生深山石崖間。土人采之。穴地數十丈。始見其苗。乃白石謂之朱砂。生石上。其大塊者如雞子。小者如石榴子狀。若芙蓉頭箭鏃。連狀者。紫點若鐵色。而光明瑩澈。碎之巖岩作牆壁。又似雲母。片可拆者。真辰砂也。無石者。彌佳。過此皆淘土石中得之。非生於石牀者。宜砂絕有大塊者。碎之亦作牆壁。但罕有。類物狀而色亦深赤。為用不及辰砂。蓋出土石間。非白石牀所生也。然近宜州隣地。春州融州皆有砂。故其水盡赤。每燻霧鬱蒸之氣。亦赤黃色。土人謂之朱砂氣。尤能作瘡癩。為人患也。階砂又次之。不堪入藥。惟可畫色爾。凡

本草綱目石部

道音伯
作逐也
泊淵也及也

砂之絕好者為光明砂。其次謂之顯塊。其次謂之鹿筋。其下謂之末砂。惟光明砂入藥。餘並不用。宗夔曰：丹砂今人謂之朱砂。辰州砂多出。蠻峒錦州界。結餘峒老鴉井。其井深廣數十丈。先聚薪于井焚之。其青石壁迸裂處。即有小龕。龕中自有白石。其石如玉。其上乃生砂。小者如箭鏃。大者如芙蓉。光明可鑑。研之鮮紅。砂泊牀大者重七八兩。至十兩。是州所出。形如箭鏃。帶石者得自土中。非此比也。承曰：金州商州亦出一種砂。色微黃。作土氣。陝西河東河北汴東汴西。並以入藥。長安蜀州。研以代銀。朱作漆器。又信州近年出一種砂。極有大者。光芒墻壁。畧類宜州所產。然有砒氣。破之多。作生砒色。若入藥用。見火恐殺人。今浙中市肆往往貨之。不可不審。時珍曰：丹砂以辰錦者為最。麻陽即古錦州地。佳者為箭鏃砂。結不實者為肺砂。細者為末砂。色紫不染紙者為舊坑砂。為上品。色鮮染紙者為新坑砂。次之。蘇頌陳承所謂階州金商州砂者。乃陶弘景所謂武都雄黃。非丹砂也。范成

宜

大桂海志云。本草以辰砂為上。宜砂次之。然宜州出砂處。與湖北大牙山相連。北為辰砂。南為宜砂。地脈不殊。無甚分別。老者亦出白石牀上。蘇頌乃云。宜砂出土石間。非石牀所生。是未識此也。別有一種。色紅質嫩者。名土坑砂。乃土石間者。不甚耐火。邕州亦有砂。大者數十百兩。作塊。黑暗少墻壁。不堪入藥。唯以燒取水銀。頌云。融州亦有。今融州無砂。乃邕州之訛也。臞仙唐辛玉冊云。丹砂石以五溪山峒中產者。得正南之氣為上。麻陽諸山與五溪相接者。次之。雲南波斯西胡砂。並光潔可用。柳州一種砂。全似辰砂。惟塊圓如皂角子。不入藥用。商州黔州土丹砂。宜信州砂。皆內含毒氣。及金銀銅鉛氣。不可服。張果丹砂要訣云。丹砂者。萬靈之主。居之。南方或赤龍以建號。或朱鳥以為名。上品生於辰錦二州石穴。中品生於交桂。下品生於衡邵。名有數種。清濁體異。真偽不同。辰錦上品砂。生白石牀之上。十二枚為一座。七枚五枚者。次之。每座明耀日。亦有九枚為一座。七枚五枚者。次之。每座

本草綱目卷九

一本
朝護之下有
環供之三字

芭
國本作色
雪當作靈

錒
音確
全璞也

中有大者為主。四圍小者為臣。朝護四面。雜砂一
二斗抱之。中有芙蓉頭成顆者。亦入上品。又有如
馬牙光明者。為上品。白光若雲母為中品。又有紫
靈砂。圓長似筍而紅紫為上品。石片稜角生青光
為下品。交桂所出。但是座上及打石得。形似芙蓉
頭。面光明者。亦入上品。顆粒而通明者。為中品。片
段不明徹者。為下品。衡邵所出。雖是紫砂。得之砂
石中者。亦下品也。有溪砂。生溪州砂。石之中。土砂
生土穴之中。土石相雜。故不入上品。不可服。既唐
李德裕黃治論云。光明砂者。天地自然之寶。在石
室之間。生雪牀之上。如初生芙蓉紅芭。未拆細者。
環拱大者。處中有辰居之象。有君臣之位。光明外
徹。采之者。尋石脉而求。此造化之所鑄也。土宿真
君曰。丹砂受青陽之氣。始生。錒石。二百年成丹砂。
而青女孕。又二百年而成鈴。又二百年成銀。又二
百年復得太和之氣。化而為金。故諸金皆不若丹
砂。金為上也。

修治 數日。凡修事。朱砂。靜室焚香。齋沐後。取砂。以
一瓷鍋子。每朱砂一兩。同甘草二兩。紫背天葵一
鎰。五方草一鎰。着砂上。以東流水煮。三伏時。勿令
水闕。去藥。以東流水淘淨。乾。又研如粉。用小瓮
瓶。入青芝草。山鬚草。半兩。蓋之。下十斤火。煖從巳
至午。方歇。候冷。取出。細研。用。如要服。則以蜜丸
細麻子大。空腹服。一丸。時珍曰。今法。惟取好砂。研
末。以流水飛。三次。用。其末。砂多。雜石末。鐵屑。不堪
入藥。又法。以絹袋盛砂。用蕎麥灰。淋汁。煮。三伏時。
取出。流。水。浸。洗。過。研。粉。飛。晒。用。又丹
砂。以石膽。消石。和。埋。土。中。可。化。為。水。
氣味 甘微寒無毒。昔曰。神農甘。岐伯苦。有毒。扁鵲
明曰。涼微毒。之才曰。惡。慈石。畏鹹水。忌一切血。時
珍曰。丹砂。別錄云。無毒。岐伯。甄權言。有毒。似相。牙
盾。按何孟春。餘冬錄云。丹砂。性寒。而無毒。入火。則
熱。而有毒。能殺人物。性逐火。而變。此說是也。丹砂

之畏慈石鹹水者水克火也。數曰鐵遇神砂如泥似粉。土宿真君曰丹砂用陰地厥地骨皮車前草馬鞭草皂莢石韋决明瞿麥南星白附子烏頭三角酸藕荷桑椹地榆紫河車地丁皆可伏制。而金公以砂為子。有相生之道可變化。

主治 身體五臟百病養精神安魂魄益氣明目殺

精魅邪惡鬼久服通神明不老能化為汞本經通血

脉止煩滿消渴益精神悅澤人面除中惡腹痛毒

氣疥癩諸瘡輕身神仙別錄鎮心主尸疰抽風甄權潤

心肺治瘡痂息肉并塗之大明治驚癇解胎毒痘毒

驅邪瘧能發汗時珍

發明 保昇曰朱砂法火色赤而主心。某曰丹砂純陰納浮溜之火而安神。明凡心熱者非此不能除。好古曰乃心經血分主藥。主命門有餘。青霞

子曰丹砂外包入石內含金精。稟氣於甲受氣於丙。出胎見壬。結塊成庚。增光歸戊。陰陽升降各本

其原自然不死。若以氣衰血敗體竭骨枯。八石之功。稍能添益。若欲長生久視。保命安神。須餌丹砂。

且丹石見火悉成灰燼。丹砂伏火化為黃銀。能重能輕。能神能靈。能黑能白。能暗能明。一斛人擎力

難升舉。萬斤遇火。輕速上騰。鬼神尋求。莫知所在。時珍曰丹砂生於炎方。乘離火之氣而成。體陽而

性陰。故外顯丹色而內含真汞。其氣不熱而寒。離中有陰也。其味不苦而甘。火中有土也。是以同遠

志龍骨之類。則養心氣。同當歸丹參之類。則養心血。同枸杞地黃之類。則養腎。同厚朴川椒之類。則

養脾。同南星川烏之類。則祛風。可以明目。可以安胎。可以解毒。可以發汗。隨佐使而見功。無所往而

不可。夏子益奇疾方云。凡人自覺本形作兩人。並

行並臥。不辨真偽者。離魂病也。用辰砂人參茯苓
濃煎日飲。真者氣爽。假者化也。類編云。錢丕少卿
夜多惡夢。通宵不寐。自慮非吉。遇鄧州推官胡用
之。曰。昔常如此。有道士教。戴辰砂如箭鏃者。涉旬
即驗。四五年不復有夢。因解髻中一絳囊遺之。即
夕無夢。神魂安靜。道書謂丹砂辟惡。安魂。觀此二
事。可徵矣。抱朴子曰。臨沅縣廖氏家。世世壽考。
後徙去。子孫多天折。他人居其故宅。復多壽考。疑
其井水赤。乃掘之。得古人埋丹砂數十斛也。飲此
水而得壽。况鍊服者乎。頌曰。鄒康成註周禮。以丹
砂石膽雄黃礬石慈石為五毒。古人惟以攻瘡癩
而本經以丹砂為無毒。故多鍊治服食。鮮有不為
藥患者。豈五毒之說勝乎。當以為戒。宗奭曰。朱砂
鎮養心神。但宜生使。若鍊服少有不作疾者。一醫
疾服伏火者數粒。一旦大熱。數夕而斃。沈存中云。
表兄李勝。鍊朱砂為丹。歲餘沐浴。再入甕。誤遺一
塊。其徒丸服之。遂發。瘳胃一夕而斃。夫生珠砂。初
生小兒。便可服。因火力所變。遂能殺人。不可不謹。

陳文中曰。小兒初生。便服朱砂。輕粉。白蜜。黃連水。
欲下胎毒。此皆傷脾敗陽之藥。輕粉下痰損心。朱
砂下涎損神。兒實者服之。軟弱。弱者服之。易傷。變
生諸病也。時珍曰。葉石林避暑錄。載林彥振謝任
伯。皆服伏火丹砂。俱病。腦疽死。張果醫說。載張慈
服食丹砂。病中消。數年。發鬚。疽而死。皆可為服丹
之戒。而周密野語。載臨川周推官。平生孱弱。多服
丹砂。烏附藥。晚年發背。疽。醫悉歸罪丹石。服解毒
藥不効。瘍醫老祝。診脉曰。此乃極陰證。正當多服
伏火丹砂。及三建湯。乃用小劑試之。復作大劑。三
日後。用膏敷貼。半月而瘡平。凡服三建湯。一百五
十服。此又與前諸說異。蓋人之臟腑。稟受萬殊。在
智者。辨其陰陽脉證。不以先入
為主。非妙入精微者。不能企此。

附方

舊入新

服食丹砂

三皇真人鍊丹方

丹砂一斤。研末。重篩。以醇酒沃之。

如泥狀。盛以銅盤。置高閣上。勿令婦人見。燥則復
以酒沃。令如泥。陰雨疾風。則藏之。盡酒三斗。乃暴

之三百日當紫色齋戒沐浴七日靜室飯九麻子

大常以平旦向日吞三九一月三蟲出半年諸病

瘥一年鬚髮黑三年神小神丹方真丹末三斤白

人至太上玄變經曝至可丸九麻子大每旦服十九一年白髮反黑

齒落更生身體潤澤老翁成少抱朴子內編黑

明目輕身去三尸除瘡癩美酒五升浸朱砂五兩

九白湯下久服見神注丹方白茯苓四兩糯米酒

効衛生易簡方為末入朱砂末二錢以乳香水打糊丸梧子大朱

砂末二錢為衣陽日二九陰日一丸要秘精新汲

水丁要逆氣過精温酒下並烏髭變白小雌雞二

空心王好古醫壘元戎油麻一件同水飼之放卵時收取先放者打窠以

朱砂末填入糊定同衆卵抱出雞取出其藥自然

結實研粉蒸餅和丸綠豆大每酒下五小兒初生

七丸不惟變白亦且愈疾張潞方

六日解胎毒温腸胃壯氣血朱砂豆大細研蜜

一棗大調與呪之一日令盡姚和衆至寶方預

解痘毒初發時或未出時以朱砂末半錢蜜水調

服多者可少少者可無重者可輕也丹

溪初生兒驚水塗五心最驗斗門方小兒驚

熱夜臥多啼朱砂半兩半黃一分為末急驚搐搦

每服一字犀角磨水調下普濟方驚

月砂半兩天南星一個一兩重者炮裂酒浸大

蠍三個為末每服一字薄荷湯下聖濟錄驚

忤不語打撲驚忤血入心竅不能言語朱砂為末

指方直客忤卒死真丹方寸七蜜三合癩癇狂亂神

丹治一切驚憂思慮多忘及一切心氣不足癩癇

五九麥門冬湯下甚者乳產後癲狂敗血及邪氣

香人參湯下百一選方心虛遺精批片相連

三四茶匙調濕以紫項地龍一條入藥滾三滾刮

淨去地龍不用入無灰酒一何氏方心虛遺精批片相連

以飛過朱砂末掺入線縛白離魂異病方見夜多

水煑熟食之唐珪經驗方枯等分為末心腹

惡夢方見男婦心痛朱砂明礬若枯等分為末心腹

宿癥及卒得癥朱砂研細搜飯以雄雞一隻餓二

日三服服盡更作愈霍亂轉筋身冷心下微溫者

乃著外臺秘要兩和丸著火籠中熏之思圍厚覆勿令烟洩兼牀

下著火令腹微煖良久當汗出而甦外臺秘要

辟瘴正陽丹砂三兩水飛每服半傷寒發汗外臺秘要

治傷寒時氣溫疫頭痛壯熱脈盛始得一二日者

取真丹一兩水一斗煑一升頓服覆被取汗忌生

血物○肘後用真丹末酒調辟穰溫疫上品朱砂

遍身塗之向火坐得汗愈辟穰溫疫一兩細研

蜜和丸麻子大常以太歲日平旦一家大小勿食

諸物向東各吞三七丸勿令近齒永無溫疫外

臺諸般吐血朱砂蛤粉等分為末酒服二錢○又

研丸小豆大每冷酒妊婦胎動朱砂末一錢和雞

下二九聖濟錄子死腹中數沸為末酒服立出

服胎死即出未死子死腹中數沸為末酒服立出

博救方目生障腎生辰砂一塊日日擦之自退王

目膜息肉丹砂一兩五月五日研勻銅器中以水

下再研瓶收每點少目生努肉及珠管真丹貝母

許皆上聖濟錄目生努肉等分為末點注日

三四度。面上肝黧。雞子一枚去黃朱砂末一兩

入雞子內封固入白伏雌下。抱至雞出取塗面即去不過五度面白如玉此乃

陳朝張貴妃常用方。出西王母枕中方。外臺秘

要。沙蜂叮螫。朱砂末水塗。木蛭瘡毒。南方多雨有

類鼻涕生於古木之上。聞人氣則閃閃而動。人過

其下墮人體間即立成瘡。久則遍體。惟以朱砂麝

香塗之即愈。產後舌出。不收片砂傳之。暗擲盆盎

張杲醫說。作墮地聲驚之即自收。

水銀。本經中品。釋名。汞。別錄。頤。靈液。目。姹女。藥性。時珍曰。其狀如

者流動貌。方術家以水銀和牛羊豕三脂。杵成膏。以通草為蛙。照於有金寶處。即知金銀銅鐵鉛玉

龜蛇妖怪。故謂之靈液。頤曰。廣雅。水銀。謂之頤。丹竈家名汞。其字亦通用爾。

集解。別錄曰。水銀生符陵平土。出於丹砂。弘景曰。砂腹中亦有別出。沙地者。青白色最勝。出於丹砂

者。是今燒粗末。朱砂所得。色小白濁。不及生者。甚

能消化。金銀使成泥。人以鍍物是也。燒時飛着釜

上。灰名汞粉。俗呼為水銀灰。最能去風。恭曰。水銀

出於朱砂。皆因熱氣。未聞朱砂腹中自出之者。火

燒飛取。人皆解法。南人蒸取之。得水銀。雖少而朱

砂不損。但色少變黑爾。頤曰。今山秦州商州道州

邵武軍。而秦州乃來自西羌界。經云。出於丹砂者

乃是山石中。采粗次朱砂。作爐置砂於中。下承以

水。上覆以盆器。外加火煨。養則烟飛於上。水銀溜

於下。其色小白濁。陶氏言。別出沙地者。青白色。今

不聞有此。西羌人亦云。如此燒取。但其山中所生

極多。至於一山自拆裂。人采得砂石。皆大塊如升

斗。碎之乃可燒煨。故西來水銀極多於南方者。又

鏡音度以金

風當作風

礬 音礬也
礬石也
礬食之肥
鼠食之死

一本作起
一本作趕
追也

取草末法用細葉馬齒莧乾之十斤得水銀八兩
或十兩先以槐木槌之向日東作架曬之三二日
即乾如經年久燒存性盛入瓦甕內封口埋土坑
中四十九日取出自成矣時珍曰汞出於砂為真
汞雷發言有草汞陶弘景言有沙地汞淮南子言
弱土之氣生白礬石礬石生白頭蘇頌言陶說者
不聞有之按陳霆墨談云拂林國當日沒之處地
有水銀海周圍四五十里國人取之近海十里許
掘坑并數十乃使健夫駿馬皆貼金箔行近海邊
日照金光見耀則水銀滾沸如潮而來其勢若粘
裹其人即間馬疾馳水銀隨逐若行緩則人馬俱
撲滅也人馬行速則水銀勢遠力微遇坑壑而溜
積於中然後取之用香草同煎則成花銀此與中
國所產不同按此說似與陶氏沙地所出相合又
與陳藏器言人服水銀病拘攣但灸金物熨之則
水銀必出蝕金之說相符蓋外番多丹砂其液自
流為水銀不獨鍊砂取出信矣胡演丹藥秘訣云
取砂末法用瓷瓶盛朱砂不拘多少以紙封口香

撒 暈言作
散

硫 必讀作
一名已土

湯煮一伏時取入水火鼎內炭塞口鐵盤蓋定鑿
地一孔放盞一個盛水連盤覆鼎於盞上蓋泥固
縫周圍加火煨之待冷取出汞自流入盞矣邕州
溪峒燒取極易以百兩為一銚銚之制似豬脬外
糊厚紙數重貯之即不走漏若撒失在地但以川
椒末或茶末收之或以真金及鎔石引之即上嘉
莫曰取去汞之砂殼名天流可點化

修治 敷日凡使勿用草汞并舊朱漆中者經別藥
水銀色微紅收得後用葫蘆貯之免遺失若先以
紫背天葵并夜交藤自然汁二味同煮一伏時其
毒自退若修十
兩二汁合七銖

氣味 辛寒有毒 權曰有大毒大明曰無毒之才曰
凝得硫則結併棗肉研則散別法煨為膩粉粉霜
唾研之死虱銅符之則明灌尸中則後腐以金銀

本草綱目卷九

幻同句也

本草綱目卷九

銅鐵置其上則浮得紫河車則伏得川椒則收可以分金可以涌泉。賈蓋藉死水銀之氣也。土宿真君曰荷葉松葉松脂穀精草萱草金星草瓦松夏枯草忍冬莨菪子馬來紅馬蹄香獨脚蓮水慈姑皆能制汞。

主治疹癩痲瘍白禿殺皮膚中蟲墮胎除熱殺金

銀銅錫毒鎔化還復為丹久服神仙不死本經以傳

男子陰陰消無氣別錄利水道去熱毒藏器主天行熱

疾除風安神鎮心治惡瘡癩疥殺蟲催生下死胎

大治小兒驚熱涎潮宗奭鎮墜痰逆嘔吐反胃時珍

發明弘景曰還復為丹事出仙經酒和日暴服之長生權曰水銀有大毒朱砂中液也乃還丹

之元母神仙不死之藥能伏鍊五金為泥抱朴子曰丹砂燒之成水銀積變又還成丹砂其去凡草未遠矣故能令人長生金汞在九竅則死人為之不朽况服食乎。藏器曰水銀入耳能食人腦至盡入肉令百節攣縮倒陰絕陽人患瘡疥多以水銀塗之性滑重直入肉宜謹之頭瘡切不可用恐入經絡必緩筋骨百藥不治也。宗奭曰水銀入藥雖各有法極須審謹有毒故也婦人多服絕娠今有水銀燒成丹砂醫人不曉誤用不可不謹。唐韓愈云太學士李于遇方士柳泌能燒水銀為不死藥以銓滿一爵按中為空實以水銀蓋封四際燒為丹砂服之下血四年病益急乃死余不知服食說自何世起殺人不可計而世慕尚之益至此其惑也在文書所記耳聞者不說今直取目見親與之游而以藥敗者六七公以為世誠工部尚書歸登自說服水銀得病有若燒鐵杖自顛貫其下摧而為火射竅節以出狂痛呼號泣絕其相席得水銀發且止唾血十數年以斃殿中御史李虛中疽

本草綱目卷九

發其背死。刑部尚書李遷。謂余曰。我為藥誤遂死。刑部侍郎李建。一旦無病死。工部尚書孟簡。邀我於萬州。屏人曰。我得秘藥。不可獨不死。今遺子一器。可用棗肉為丸服之。別一年而病。後有人至。訊之。曰。前所服藥誤。方且下之。下則平矣。病二歲卒。東川節度御史大夫盧坦。溺血。肉痛不可忍。乞死。金吾將軍李道古。以柳泌得罪。食泌藥。五十死。海上。此皆可為戒者也。斲不死。乃速得死。謂之智。不可也。五穀三牲。鹽醢果蔬。人所常御。人相厚勉。必曰強食。今惑者皆曰。五穀令人天。三牲皆殺人。當務減節。一筵一饌。禁忌十之二三。不信常道。而務鬼怪。臨死乃悔。後之好者。又曰。彼死者皆不得其道也。我則不然。始動曰。藥動。故病。病去。藥行。乃不死矣。及且死。又悔。嗚呼。可哀也已。時珍曰。水銀。乃至陰之精。稟沉着之性。得凡火煨煉。則飛騰。靈變。得人氣熏蒸。則入骨鑽筋。絕腸蝕腦。陰毒之物。無似之者。而大明言。其無毒。本經言。其久服神仙。甄權言。其還丹元母。抱朴子。以為長生之藥。六朝

以下食生者。服食致成廢篤。而喪厥軀。不知若干人矣。方士固不足道。本草其可妄言哉。水銀。但不可服。食爾。而其治病之功。不可掩也。同黑銓結砂。則鎮墜痰涎。同硫黃結砂。則拯救危病。此乃應變之兵。在用者。能得肯腎。而執其樞機焉。餘見銓白霜。及靈砂下。

附方 舊五新初生不乳 咽中有禁物如麻豆許用

愈人聖 **小兒痲疾** 能壓一切熱水銀小豆許安棧

惠方 聖濟方 **急驚墜涎** 水銀半兩生南星一兩麝

也 兒頭恐入腦 **失心風疾** 水銀一兩藕節八小

搗和丸 綠豆大每 **精魅鬼病** 水銀一兩煎減三分

服一丸 薄荷湯下 **反胃吐食** 水不能停

大每服二丸 磨刀水 **廣濟方**

下一二服 經驗方 **黑銓水銀**

取水銀一豆 許神符 裹吞之

晚又服一二日 止

六一錢半結砂船硫黃五錢官桂一錢為末每服

六錢一錢半米湯一兩自然薑汁調作一處服

濟錄消渴煩熱水銀一兩銚一兩結砂皂莢一挺酥

○聖錄膽熱衄血未每服半錢新汲水下宜明方

血汗不止上方同妊婦胎動母欲死子尚在以此下

膏以牛膝半兩水五大盞煎婦人難產水銀二兩

汁入蜜調服半匙聖惠方梅師方婦人斷產

立出胎死腹中吞之立出梅師方婦人斷產

梅師方胎死腹中吞之立出梅師方婦人斷產

水銀以麻油煎一日空心服棗大解金銀毒水銀

服之仰出誤吞金銀及環子釵子以汞半兩吞百

蟲入耳水銀豆許傾入耳中以耳向下擊銅物數

頭上生蟲水銀和蠟燭油搽之腋下胡臭水銀胡

以面脂和頻搽少年面皰水銀胡粉等分研臘豬

之千金方老小口瘡水銀一分黃連六分水二升

三度瘡方老小口瘡水銀一分黃連六分水二升

肘後方白癩風痒水銀數拭之即蟲癬瘙痒水銀胡粉

方白癩風痒水銀數拭之即蟲癬瘙痒水銀胡粉

○又水銀蕪荑和酥痔蟲作痒水銀棗膏各二兩

傳之外科臺秘要痔蟲作痒水銀棗膏各二兩

明日蟲出惡肉毒瘡黃豆大半在肉中紅紫色痛

甚諸藥不效一方士以水銀四兩白紙二張揉一

熟蘸銀擦之三日自落而愈李樓怪謔方楊梅毒瘡

切惡瘡水銀黃連胡粉熬黃各一兩研楊梅毒瘡

水銀黑銀各一錢結砂黃丹一錢乳香沒藥各五

分為末以紙卷作小撚染油點燈日照瘡三次七

日見効。○方廣附餘用水銀黑鉛結砂銀朱各二錢白花蛇一條為末作紙撚七條頭日用三條後日用一條香油點燈于爐中放被內熏之勿透風頭上有瘡連頭蓋之。○一方水銀一錢二分黑鉛白錫各八分共結砂黃丹四分朱砂六分為末分作十二紙撚以香油浸燈蓋內點於小桶中以被圍病人坐之以鼻細細吸烟三日後口出惡物為効。

痘後生醫 水銀一錢 硃丹五錢 研作六丸 坩鍋糊定火煨一日取出薄綿裹之 左腎塞右耳右腎塞左耳自然墜下 危氏方

水銀粉 宋嘉祐

釋名

輕粉

遺峭粉

膩粉

時珍曰輕言其質峭言其狀膩

修治

時珍曰升鍊輕粉法用水銀一兩白礬二兩食塩一兩同研不見星鋪於鐵器內以小鳥

盆覆之篩窳灰鹽水和封固盆口以炭打二炷香取開則粉升於盆上矣其白如雪輕盈可愛一兩可升粉八錢又法水銀一兩皂礬七錢白礬五錢同研如上升鍊又法先以皂礬四兩鹽一兩消五錢其炒黃為麴水銀一兩又麴二兩白礬一錢研勻如上升鍊海客論云諸礬不與水銀相合而綠礬和鹽能制水銀成粉何也蓋水銀者金之魂魄綠礬者鐵之精華二氣同根是以暫制成粉無益則色不白

氣味

辛冷無毒 大明曰畏慈石石黃忌一切血本出于丹砂故也時珍曰温燥有毒

升也浮也黃連土茯苓陳

主治 通大腸轉小兒疳

痺癩癰殺瘡疥癬蟲及鼻上酒皷風瘡瘙痒 藏治

痰涎積滯水腫鼓脹毒瘡 時珍

發明

宗奭曰水銀粉下膈涎并小兒涎潮惡惡藥
則危須審之蓋驚為心氣不足不可下下之裏虛
驚氣入心不可治其人本虛更須禁此慎之至也
劉完素曰銀粉能傷牙齒蓋上下齒齦屬手足陽
明之經毒氣感於腸胃而精神氣血水穀既不勝
其毒則毒即循經上行而至齒齦嫩薄之分為審
也時珍曰水銀乃至陰毒物因火煨丹砂而出加
以鹽礬鍊而為輕粉加以硫黃升而為銀朱輕飛
靈變化純陰為燥烈其性走而不守善劫痰涎消
積滯故水腫風痰濕熱毒瘡被劫涎從齒齦而出
邪鬱為之暫開而疾因之亦愈若服之過劑或不
得法則毒氣被蒸竄入經絡筋骨莫之能出痰涎
既去血液耗亡筋失所養管衛不從變為筋攣骨
痛發為瘰癧腫疔漏或手足皸裂蟲癬頑痺經年累
月遂成廢癩其害無窮觀丹客升鍊水銀輕粉鼎
器稍失固濟鐵石撼透况人之筋骨皮肉乎陳文
中言輕粉下痰而損心氣小兒不可輕用傷脾敗

陽必變他證初生尤宜慎之而演山氏謂小兒在
胎受母飲食熱毒之氣畜在胃膈故生下不發
驚宜三日之內與黃連去熱膩粉散毒又與人參
朱砂蜜湯解清心肺積毒既化兒可免此患二說
不同各有所見一謂無胎毒者不可輕
服一謂有胎毒者宜預解之用者宜審

附方

舊三新
三十二

小兒初生

浴湯中入鹽少許拭乾以
膩粉少許摩其身既不畏

風又散諸氣
全幼心鑑

初生鎖肚

謠由胎中熱毒結於肚門
見生之後閉而不通三日

者急冷婦人唯兒前後心手足心并臍七處四五
次以輕粉半錢蜜少許溫水化開時時與少許以

通為度○
全幼心鑑

小兒涎喘

服藥不退者用無雄雞子一
個取清入輕粉抄十錢拌和

銀器盛置湯瓶上蒸熟三歲兒盡食當吐痰
或泄而愈氣實者乃可用
演山活幼口議

兒

去痰

兒乳

不止服此立效膩粉一錢鹽鼓七粒去痰
勺丸麻子大每服三丸藿香湯下
活幼口議

議小兒喫泥

及腹肚用膩粉一分沙糖和凡麻子

瘧經大小便閉

脹悶欲死二三日則殺人膩粉

聖方大便壅結

膩粉半錢沙糖一彈丸研九梧子

膩粉二錢黃丹一錢為末

血痢腹痛

膩粉五錢定

水浸蒸餅心少許和九綠豆大每服七丸

消中嗜

食多因外傷脾熱內積憂思啖食鹹物及麪致脾

度輕粉一錢為末薑汁拌勻長流水下齒一切虛

浮是効後服豬肚丸補之危氏得効方

風乾麝香半兩細研每服一錢烏雞子去黃盛粉蒸餅

和秘寶方水氣腫滿包蒸熟取出苦葶藶炒一錢同蒸

餅并丸綠豆大每車前湯下三

五光日三服神効醫壘元戎痘瘡生腎

為未左目患吹右耳右目吹女人面脂太真紅玉

左耳即退王氏痘疹方

宜抓破面皮

生薑自然汁調輕粉末搽牙齒疼痛

輕粉一錢大蒜一瓣杵餅安膈骨前陷中先以銅

錢隔子用蝮殼蓋定扎住一宿愈左疼安右疼

安左摘玄方風蟲牙疳

膿血有蟲輕粉一錢黃連小兒

耳爛輕粉棗子灰等分研

底耳腫痛

汁水不絕輕

一分為末搽爛弦風眼

膩粉末口津和點大昔小

兒頭瘡

葱汁調膩粉塗之○又方雞子黃炒出

兒生癩 豬脂和輕粉抹 牛皮惡癩 五更食炙牛肉

粉半錢 溫酒調 楊梅瘡癩 嶺南衛生方用汞粉大

下 直指方 楊梅瘡癩 風子肉等分為末塗之

即愈 醫方摘玄用輕粉二錢杏仁四十二個去

皮洗瘡拭乾搽之不過三次即愈乾則以鷲膽汁

調 楊梅毒瘡 醫學統旨用輕粉一錢雄黃丹砂各

糊丸梧子大每服一錢冷茶下日二服七日愈

楊誠經驗方用輕粉胡椒仁槐花炒研紅棗肉各

二錢搗丸分作三服初日雞湯下二日酒下三日

茶下三日服盡五日瘡乾七日痂落一方用積

豬腎一對去膜批開各摻輕粉一錢北定麻油二

兩煉熟頓食不破口腫牙仍服金銀花藥一方

用大雞卵一個去黃留白入輕粉下疳陰瘡 輕粉末

粉一錢攪勻紙糊飯上蒸熟食 下疳陰瘡 輕粉末

即結醬而愈 廉瘡不合 以薑汁溫洗拭乾用葱

萬表積善堂方 廉瘡不合 以薑汁溫洗拭乾用葱

輕粉五分黃蠟一兩以粉摻紙上以蠟 癰疽惡瘡

鋪之縛在瘡上黃水出即愈 永類方 癰疽惡瘡

楊梅諸瘡水銀一兩朱砂雄黃各二錢半白礬綠

礬各二兩半研勻罐盛燈蓋定鹽泥固濟文武

火鍊升罐口掃收每以三錢入乳香沒藥各

五分酒太乙膏上貼之絕効名曰五寶霜

粉霜 綱目

釋名 水銀霜 白雪 白靈砂 時珍曰以汞粉轉

抱朴子云白雪粉霜也。以海鹵為鹽蓋以土得勿

洩精華七日乃成。要足陽氣勿為陰侵。惟薑藕地

一本勿作不
水。國本作
住

白蠟。按外臺秘要。載古方。崔氏造水銀霜法云。用水銀十兩。石硫黃十兩。各以一鎊。熬之。良久。銀熱。黃消。急傾入一鎊。少緩。即不相入。仍急攪之。良久。硫成。灰銀不見。乃下伏龍肝末十兩。鹽末一兩。攪之。別以鹽末鋪鎊底一分。入藥在上。又以鹽末蓋面一分。以瓦盆覆之。鹽土和泥塗縫。炭火煨。一伏時。先文後武。開盆。刷下。凡一轉。後分舊土為四分。以一分和霜。入盆。末二兩。如前法。飛之。訖。又以土一分。益末二兩。和飛。如前。凡四轉。土盡。更用新土。如此。七轉。乃成。霜用之。此法。後人罕知。故附于此云。

氣味辛温有毒

時珍曰畏蕎麥稈灰硫黃

主治下痰涎消積滯利水與輕粉同功

時珍

發明

元素曰粉霜輕粉亦能潔淨府去膀胱中垢膩既毒而損齒宜少用之時珍曰其功過與

輕粉

附方新小兒急驚

搐搦涎盛粉霜二錢白牽牛炒

荷湯下吐涎為

小兒躁渴

粉霜一字大兒半錢蓮肉

保幼

風熱驚狂

神白丹治傷寒積熱及風生驚

兩以白麩六錢和作餅子炙熟同研輕粉半兩

白霜二錢半為末滴水丸梧子大每服十丸至十五丸米飲下

癩疹生腎

粉霜八分朱砂一錢為末

飛腋下胡臭

粉霜水銀等分以面

聖濟錄

楊梅惡瘡

粉霜

銀朱

綱目

本草綱目卷九

釋名 猩紅

紫粉霜

時珍曰昔人謂水銀出於丹砂鎔化還復為朱者即此也

亦名 由此

集解

時珍曰胡演丹藥秘訣云升鍊銀朱用石亭脂二斤新鍋內鎔化次下水銀一斤炒作青

砂頭炒不見星研末罐盛石版蓋住鐵線縛定盤泥固濟大火煨之待冷取出貼罐者為銀朱貼口

者為丹砂今人多以黃丹及礬紅雜之其色黃黯宜辨之真者謂之水華朱每水銀一斤燒朱一十

四兩八分次朱三兩五錢

氣味辛溫有毒主治破積滯劫痰涎散結胸療疥

癬惡瘡殺蟲及虱功同粉霜

時珍

發明

時珍曰銀朱乃硫黃同汞升鍊而成其性燥烈亦能爛銀擊筋其功過與輕粉同也今厨

人往往以之染色供饌宜去之

附方 新十小兒內釣

多嗜銀朱半錢乳香煨蒜各一錢為末研丸黍米大半歲

五九薄荷湯

男女陰毒

銀朱輕粉各一錢用五日下心鑑

心男左女右兩手合定放陰下項間氣回汗出即愈但口中微有氣即活

結胸

鶴頂丹不開陰陽虛實炒過陷胸瀉心等藥用銀朱半兩明礬一兩同碾以熨斗熨心等藥

盡盛藥鎔化急刮糕丸每服一錢真茶入薑汁少許服之心上隱隱有聲結胸自散不動臟腑不傷

真氣明礬化痰銀朱破積

正水腫病

大便利者銀朱半兩硫黃

煨四兩為末麩糊丸梧子大

咽喉疼痛

銀朱海鹽每飲下三十九普濟方

吹之取涎

火焰丹毒

銀朱調雞子清塗

湯火灼傷

銀朱研細菜油調傳 疽瘡發背 銀朱白礬等分煎

二次愈 多能鄙事 魚臍下瘡 四面赤中央黑銀朱

火遠遠灸之日三 救急方 普濟方 楊梅毒瘡 銀朱官香等分為末以紙

酒下名走馬 吸烟一日一作七日愈 又方銀朱二錢孩兒茶

一錢龍掛香一錢皂角子一錢為末如上法用 筋骨疼痛

又方銀朱輕粉各一錢黃蠟清油各一 筋骨疼痛

兩化開和收以油紙攤貼瘡 筋骨疼痛

程紅三錢枯礬四錢為末作三紙然每旦以一日

燃蘸油點火熏臍被覆臥之取汗 纂要奇方

久頑瘡 不收者銀朱一錢千年地下石灰五分松

應急方 賺瘡不斂 上方同 血風賺瘡 生脚股上乃濕毒

良方 溶化入銀朱一兩攪攤紙 黃水濕瘡 銀朱益梅和

上方 梳頭○包銀朱紙以盥覆燒之茶清洗下烟

子搽之包頭一夜至且虱盡死 積德堂方

靈砂 類證 釋名 二氣砂 慎微曰 茅苧客話 載以靈砂 餌胡孫

通為靈者 時珍曰 此以至陽 變其心 輒會人言 丹之

勻至陰 脫陰反陽 故曰靈砂 修治 慎微曰 靈砂 用水銀一兩 硫黃六銖 細研炒

者成就也 時珍曰 按胡寅丹藥秘訣云 升靈砂法 用新鍋安道遙爐上 蜜指鍋底 文火下燒 入硫黃

二兩 鎔化 投水銀半斤 以鐵匙急攪 作青砂頭 如

有焰起 噴醋解之 待汞不見 星取出 細研 盛入水

火鼎內 益泥固濟下 以自然火升之 乾水十二盞

為度 取出 如束鍼紋者 成矣 庚辛玉冊云 靈砂者

至神之物也。硫汞制而成形。謂之丹基。奪天地造化之功。竊陰陽不測之妙。可以變化五行。鍊成九還。其未升鼎者謂之青金丹頭。已升鼎者乃曰靈砂。靈砂有三。以一伏時。周天火而成者。謂之金丹。靈砂以九度抽添。用周天火而成者。謂之九轉靈砂。並宜桑灰淋醋。煮伏過。用乃良。

氣味甘溫無毒 主治五臟百病養神安魂魄益氣

明目通血脉止煩滿益精神殺精魅惡鬼氣久服

通神明不老輕身神仙令人心靈慎微主上盛下虛

痰涎壅盛頭旋吐逆霍亂反胃心腹冷痛升降陰

陽既濟水火調和五臟輔助元氣研末糯糊為丸

棗湯服最能鎮墜神丹也

時珍

發明 時珍曰硫黃陽精也。水銀陰精也。以之相配

之妙。而升降陰陽。既濟水火。為扶危拯急之神丹。

但不可久服。爾蘇東坡言。此藥治久患反胃。及一切吐逆。小兒驚吐。其效如神。有配冷陰陽

之妙故也。時珍常以陰陽水送之。尤妙。

附方 新伏熱吐瀉 陰陽丸用硫黃半兩水銀一錢

丸冷水下大人三四 諸般吐逆 上方同 霍亂吐逆 不

虛實冷熱二氣散一名青金丹用水銀硫黃等分

小兒脾疼反胃 靈砂一兩蚌粉一兩同炒赤丁香

煮半夏粉糊丸梧子大每 冷氣心痛 靈砂三分五

薑湯下二十九 普濟方 靈脂一分為

末稀糊丸麻子大每服二十九食九竅出血因暴驚而

前石莖蒲生薑湯下直指方人參湯下三服愈此證

不可錯認作血得熱則流妄用涼藥誤事楊仁齋直

指方養正丹又名交泰丹乃寶林真人谷伯陽方

陰邪交蕩上盛下虛氣不升降呼吸不足頭眩氣

短心怯膽悸虛煩狂言盜汗腹痛腰痛反胃吐食

霍亂轉筋效逆又治中風涎潮不省人事陽氣欲

脫四肢厥冷傷寒陰盛自汗唇青脈沉婦人產後

月候不勻帶下腹痛用黑蓋一隻入黑鉛溶汁次

下水銀次下朱砂末炒不見星少頃乃下硫黃末

急攪有烟酒醋解之取出研末糯粉煮糊丸綠豆

大每服二十九益湯下四味皆等分此藥升降陰

陽既濟心腎神效不可具述和濟局方

雄黃 本經 中品

釋名 黃金石 本經 石黃 唐本 熏黃 晉口

黃也恭曰出石門者名石黃亦是雄黃而通名黃

金石石門者為劣爾惡者名熏黃正用熏瘡疥故

名之藏器曰今人敲取石黃中精期者為雄黃外

黑者為熏黃雄黃燒之不臭熏黃燒之則臭以此

分別權曰雄黃金之苗也故南方近金冷處時有

之但不及西來者真好爾宗奭曰非金苗也有金

窟處無雄黃時珍曰雄黃入點化

黃金用故名黃金石非金苗也

集解 別錄曰雄黃生武都山谷燉煌山之陽采無

之小劣燉煌在涼州西數千里近來紛擾皆用石

門始與石黃之好者耳涼州黃好者作雞冠色不

臭而堅實其黧黑及虛軟者不好也恭曰宕昌武

都者為佳塊方數寸明徹如雞冠或以為枕服之

辟惡其青黑堅者不入藥用貞觀年中以宕州新

出有得方數尺者但重脆不可全致之耳禹錫曰

中當作所

粟一作乘

水經注云。黃水出零陵縣西北。連巫山。溪出雄黃。頗有神異。常以冬月祭祀。鑿石深數丈。方采得之。故溪水取名焉。又抱朴子云。雄黃當得武都山中。出者純而無雜。其赤如雞冠。光明曄曄者。乃可用。其但純黃。似雌黃色。無光者。不任作仙藥。可合理病藥耳。頌曰。今階州即古武都。山中有之。形塊如丹砂。明徹不夾石。其色如雞冠者。真有青黑色。而堅者名重黃。有形似真而氣臭者。名臭黃。並不入服食。只可療瘡疥。其臭以醋洗之。便去。足以亂真。尤宜辨。又階州接西戎界。出一種水窟雄黃。生于山岩中。有水流處。其石名青煙石。白鮮石。雄黃。出其中。其塊大者如胡桃。小者如粟。豆。上有孔竅。其色深紅。而微紫。體極輕虛。而功用更勝。丹竈家尤貴重之。時珍曰。武都水窟雄黃。北人以充丹砂。但研細色帶黃。爾丹房鑑源云。雄黃千年化為黃金。武都者上。西番次之。鐵色者上。雞冠次之。以沉水銀。脚鐵。林上拭了。旋有黃衣生者為真。一云。驗之。可以煇蟲。死者為真。細嚼口中含湯。不臭。辣者

次之。穀曰。凡使勿用臭黃。氣臭黑。雄黃色如烏雞頭。爽。臘黃。一重黃。一重石。並不堪用。真雄黃似鷓鴣者。為上。

修治

穀曰。每雄黃三兩。以甘草紫背天葵地膽碧稜花各五兩。細剉。東流水入坩鍋中。煮三伏

時。漉出。搗如粉。水飛。澄去黑者。晒乾。再研用。其內有切鐵石。又號赴矢黃。能切于鐵。並不入藥用。思邈曰。凡服食用武都雄黃。須油煎九日九夜。乃可入藥。不爾有毒。慎勿生用。時珍曰。一法用米醋入蘿蔔汁。煮乾。用良。抱朴子曰。餽法。或以蒸。或以消石化為水。或以豬脂。裹蒸之。于赤土下。或以松脂和之。或以三物鍊之。如布。白如水。服之。令人長生。除百病。殺三蟲。伏火者。可點銅成金。變銀成金。氣味苦平寒有毒。別錄曰。甘大溫。權曰。辛有大毒。大明曰。微毒。土宿。真君曰。南星。地黃。蒿。苕。五加皮。紫河車。地榆。五葉藤。黃芩。白芷。當歸。地錦。鴛。陽草。雞腸草。苦參。鴛。不食草。圓。桑。蛭。

脂皆可
制雄黃

主治寒熱鼠瘦惡瘡疽痔死肌殺精物惡鬼邪氣

百蟲毒勝五兵鍊食之輕身神仙本經療疥蟲蠱瘡

目痛鼻中息肉及絕筋破骨百節中大風積聚癰

氣中惡腹痛鬼疰殺諸蛇虺毒解藜蘆毒悅澤人

面餌服之者皆飛入腦中勝鬼神延年益壽保中

不饑得銅可作金別錄主疥癬風邪癩癧嵐瘴一切

蟲獸傷大明搜肝氣瀉肝風消涎積好古治瘡疾寒熱

伏暑泄痢酒飲成癖驚癇頭風眩運化腹中瘀血

殺勞瘡蟲時珍

發明權曰雄黃能殺百毒辟百邪殺蠱毒人佩之

取傷抱朴子曰帶雄黃入山林即不畏蛇若蛇中

人以少許傅之登時愈吳楚之地暑濕鬱蒸多毒

蟲及射工沙虱之類但以雄黃大蒜等分合搗一

丸佩之或已中者塗之亦良宗奭曰焚之蛇皆遠

去治蛇咬方見五靈脂下唐書云甄立言究習方

書為太常丞有尼年六十餘患心腹鼓脹身體羸

瘦已二年立言診之曰腹內有蟲當是誤食髮而

然今餌雄黃一劑須臾吐出一蛇如梅指無目燒

之猶有髮氣乃愈又明皇雜錄云有黃門奉使交

廣回太醫周願曰此人腹中有蛟龍上驚問黃門

有疾否曰臣馳馬大庾嶺熱因且渴遂飲澗水竟

腹中堅痞如石周遂以消石雄黃煮服之立吐一

物長數寸大如指視之鱗甲皆具此皆殺蠱毒之

驗也頌曰雄黃治瘡瘍尚矣周禮瘍醫療瘡以五

毒攻之。鄭康成注云。今醫方有五毒之藥。作之令
黃。置石膽丹砂雄黃礬石慈石其中。燒之三日
三夜。其烟上着雞羽掃取。以注瘡。惡肉破骨。則盡
出也。楊億筆記。載楊囑少時。有瘍生於頰。連齒輔
車。外腫若覆甌。內潰出膿血。痛楚難忍。百療彌年
不瘥。人令依鄭法。燒藥注之。少頃。朽骨連牙。潰出
遂愈。信古方攻病之速也。黃登音武。即今有蓋瓦
合也。時珍曰。五毒藥。范江東陽方。變為飛黃散。治
緩疽惡瘡。蝕惡肉。其法。取瓦盆一個。安雌黃于中。
并砂居南。慈石居北。曾青居東。白石英居西。礬石
居上。石膏次之。鍾乳居下。雄黃覆之。雲母布於下。
各二兩。末以一盆蓋之。羊毛泥固濟。作三隅竈。以
陳葦燒一日。取其飛黃用之。夫雄黃乃治瘡殺毒
要藥也。而入肝經氣分。故肝風肝氣驚癇。痰涎頭
痛。眩運暑瘧。泄痢積聚。諸病用之。有殊功。又能化
血為水。而方士乃鍊治服。領神異。其說。被其毒者
多矣。按洪邁夷堅志云。虞雍公允文。感暑痢。連月
不瘥。忽夢至一處。見一人如仙官。延之坐。壁間有

藥方。其辭云。暑毒在脾。濕氣連脾。不泄則痢。不痢
則癰。獨鍊雄黃蒸餅。和藥別作治療。醫家大錯。公
依方用雄黃。水飛九度。竹筒盛蒸七次。研末蒸餅
和。名梧子大。每甘草湯下七丸。日三服。果愈。太平
黃記。載成都劉無名。服雄黃
長生之說。方士言爾。不可信。

附方

舊十三新
四十九

卒中邪魔

雄黃末吹鼻
集驗方

鬼擊成病

腹中煩滿。欲絕。雄黃粉酒服。一刀圭。日
三服。化血為水也。孫真人千金方。辟穰魔
以雄黃帶頭上。或以棗許繫左
腋。下終身不魘。張文仲方。家有邪氣。用真雄
水一盃。以東南桃枝。呪洒滿屋。則
絕迹。勿令婦女見。知集簡方。女人病邪。與邪
物交通。獨言獨笑。悲思恍惚者。雄黃一兩。松脂二
兩。溶化。以虎爪攪之。丸如彈子。夜燒于籠中。令女
坐其上。以被蒙之。露頭在外。不過三劑。自斷。仍以
雄黃人參防風五味子等分。為末。每旦井水服。方

寸七取愈 **小丹服法** 雄黃柏子仁各二斤松脂煉

服五九百日後拘魂制鬼與 **轉女為男** 婦人覺有

神人交見 太上玄變經 千金方 **小兒諸癩** 雄黃

一兩絳囊盛之養胎轉女成男取 **骨蒸發熱** 雄黃末一兩

陽精之全于地產也 直指方 **傷寒效逆** 服藥無効雄黃

等分為末每服一錢猪心 **傷寒效逆** 二錢酒一盞煎

血入薑水調下 直指方 **傷寒效逆** 服藥無効雄黃

研如粉乃取黃理石一枚方圓一尺者炭火燒之

三食頃濃淋汁於石上置薄氈于上患人脫衣坐

之衣被圍住勿令洩氣 **傷寒效逆** 服藥無効雄黃

三五度瘥 外臺秘要 **傷寒效逆** 二錢酒一盞煎

七分乘熱嗅其氣 **傷寒效逆** 二錢酒一盞煎

即止 活人方 **傷寒效逆** 二錢酒一盞煎

熏其下部 **偏頭風病** 至靈散用雄黃半兩燒于瓶中

右痛次方 **五尸注病** 發則痛變無常昏光沉重纏

專濟方 **五尸注病** 結臟腑上衝心脇即身中尸

鬼接引為害也雄黃大蒜各一兩梓 **腹脇痞塊** 雄

丸彈丸大每熱酒服一九 肘後方 **腹脇痞塊** 雄

一兩白礬一兩為末麵糊調膏難貼即見功效未

効再貼待大便數百斤之狀乃愈秘方也 集玄

方 **脇下疝癖** 及傷飲食黃丸用雄黃一兩巴豆

子大每服二十四丸漿水煮三十沸入冷 **飲酒成**

漿水沉冷吞下以利為度如神 保命集 **飲酒成**

癖 于胃間遇飲即吐久而成癖雄黃皂角子大六

个巴豆連皮油十五个蠟稍十五个同研入白麵

五兩半滴水丸豌豆大將乾入麩肉炒香將一粒

疾 **徵痕積聚** 去三尸益氣延年却老雄黃二兩為

也雄黃半兩則病此是髮入于胃氣血裏之化為蟲

快者不爾則病此是髮入于胃氣血裏之化為蟲

服二九溫酒下 和劑局方 **髮徵飲油** 升以飲油五

放水試之浮則取起收之每 **髮徵飲油** 升以飲油五

本 卷九

塊塞口蒸七度用好粉脂一兩和丸綠小腹痛滿

豆大每服七丸酒下日三服千金方痛不可忍雄黃

塞陰孔中雄黃末密丸陰腫如斗雄黃青黛等分為

草一尺水五升煮二中飲食毒雄黃青黛等分為

升浸之肝後方蠟丸梧子大每服七丸念藥

筆峯方鄧蟲毒蠱毒雄黃生礬等分端午日研化

王菩薩七遍熟水結陰便血雄黃不拘多少入棗

下蘇東坡良方內線繫定煎湯用鈇

取出為末共棗杵和丸梧子大每服三十九煎黑

服止普濟方暑毒泄痢方見發中風舌強舌正

散用雄黃荊芥穗等分為末破傷中風雄黃白芷

豆淋酒服二錢衛生寶鑑風狗咬傷雄黃五錢麝香二錢

邵真人經驗方○風狗咬傷雄黃五錢麝香二錢

救急百蟲入耳雄黃燒燃熏之自馬汗入瘡雄黃

良方百蟲入耳雄黃燒燃熏之自馬汗入瘡雄黃

各一錢烏梅三個巴豆一個合研蜘蛛傷人雄黃

以油調半錢傅之良經驗方蜘蛛傷人雄黃

野僉載金瘡內漏雄黃半豆大納之仍以小兒服

杖瘡腫痛雄黃二分密陀僧一分研末中藥箭毒

雄黃末敷之沸汁解藜蘆毒水服雄黃末小兒痘

出愈外臺秘要解藜蘆毒水服雄黃末小兒痘

疔雄黃一錢紫草三錢為末胭脂汁調先白禿頭

瘡雄黃豬膽汁和眉毛脫落雄黃末一兩醋和筋

肉化蟲有蟲如蟹走于皮下作聲如小兒啼為筋

炙熱喫盡自安風痒如蟲成煉雄黃松脂等分研

夏氏奇疾方末蜜丸梧子大每飲下

十九日三服百日愈忌酒肉鹽豉千金方丁瘡惡毒及中心以雄黃

末葱蜜搗丸小米大以針刺破瘡頂插入甚妙

廣東惡瘡雄黃一錢半杏仁三十粒去皮輕粉一

即愈百發百中天下第一方蛇纏惡瘡雄黃末醋

出武定侯府內積德堂方普濟纏喉風痺雄黃磨新汲水一盞服風熱痛雄用

黃乾薑各等分末末啗牙齒蟲痛雄黃末和棗肉

要走馬牙疳臭爛出血雄黃五粒每粒以淮

末每以少許搽之去涎小兒牙疳雄黃一錢銅綠

以愈為度全幼心鑑小兒牙疳二錢為末貼之

小兒疳蟲蝕鼻雄黃葶藶等分研末獵豬膽耳

出臭膿雄黃雌黃硫黃等分廉瘡日久雄黃二錢

青布捲作大撚燒烟熏之熟鼻準赤色雄黃硫黃

水流出數次愈筆峯雜典過三五次愈攝生妙用方

熏黃主治惡瘡疥癬殺蟲虱和諸藥熏嗽

附方新小便不通熏黃末豆許內孔卅年呬嗽熏

木香荖若子等分末羊脂塗青紙上欬嗽熏法

以末鋪之竹筒燒烟吸之崔氏方

熏黃一兩以蠟紙調捲作筒十枚燒烟吸嚙取吐

千金水腫上氣欬嗽腹脹熏黃一兩欬冬花二分

上荻管捲成筒燒熨吸嚙三十日則瘥手足甲疽

三日盡一劑百日斷鹽醋外臺秘要

本堂圖書部

卷九

熏黃蛇皮等分為末以泔洗淨割去甲入肉處傅之一頃痛定神効近效方

雌黃

本經中品

釋名

坐七火切時珍曰生山之陰故曰雌黃土宿本草云陽石氣未足者為雌已足者為雄相距五百年而結為石造化有夫婦之道故曰雌雄

集解

陰別錄曰雌黃生武都山谷與雄黃同山生其今雌黃出武都仇池者謂之崑崙黃色如金而似雲母甲出沃南林邑者謂之崑崙黃色如金而似雲母甲錯畫家所重既有雌雄之名又同山之陰陽合藥便當以武都為勝仙經無單服法惟以合丹砂雄黃飛鍊為丹爾金精是雌黃銅精是空青而服空青反勝于雌黃其義難了教曰雌黃一塊重四兩拆開得千重軟如爛金者佳其夾石及黑如鐵色者不可用時珍曰按獨孤滔丹房鑑源云背陰者

修治

教曰凡修事勿令婦人雞犬新犯淫人有患

雌黃也。潘成者即黑色。輕乾如焦錫。塊臭黃作者。硬而無衣。試法但于甲上磨之。上色者好。又燒熨斗底。以雌劃之。如赤黃線一道者好。船上來如喫血者上。湘南者次之。青者尤佳。葉子者為上。造化黃金。非此不成。亦能柔五金。乾汞轉硫黃。伏粉霜。又云雄黃變鐵。雌黃變錫。之。則雌黃黑如鐵色。不堪用也。及損人壽。每四兩用天碧枝和陽草粟遂子草各五兩。入瓷鍋中。煮三伏時。其色如金汁。一槩在鍋底下。用東流水。猛投于中。如此淘三度。去水拭乾。白中搗篩研如塵。用。又曰。雌得芹花立便成。庚。芹花一名立起。草形如芍藥。煮雌能任火也。氣味辛平有毒。別錄曰大寒不入湯用。土宿真君地榆五加皮瓦松冬瓜汁皆可。制伏。又雌見鈿及胡粉則黑。主治惡瘡頭禿癩

疥殺毒蟲虱身痒邪氣諸毒鍊之久服輕身增年

不老經本蝕鼻內息肉下部蠱瘡身面白駁散皮膚

死騰及恍惚邪氣殺蜂蛇毒久服令人腦滿別錄治

冷痰勞嗽血氣蟲積心腹痛癩癩解毒時珍

發明保昇曰雖黃法土故色黃而主脾時珍曰雌

故服食家重雄黃取其得純陽之精也雌黃則兼

有陰氣故爾若夫治病則二黃之功亦彷彿大要

皆取其溫甲搜肝殺蟲解毒祛邪焉爾

附方新舊七反胃吐食雖黃一分甘草生半分為末

煎湯每服四聖濟錄停痰在胃喘息不通呼吸欲絕雖黃

丸彈子大每服一九半夜時投心痛吐水食發止

熟糯米粥中食之濟生方煎成膏用乾蒸婦人

餅和丸梧子大每服七九薑湯下聖惠方婦人

久冷血氣攻心痛不止以葉子雖黃二兩細研醋

惠方聖小腹痛滿天行病小腹痛滿不得小便雖黃末

癩癩癩眼脂嚼舌雖黃丹炒各一兩為末入

千下九麻子大每溫水肺勞欬嗽雖黃一兩入瓦

服三五丸直指方肺勞欬嗽合肉不固濟坐

地上以火焙之厚二寸以炭一斤簇定頂火煨三

分去一退火出毒為末糖酥和九粟米大每日空

心杏仁湯下三久嗽暴嗽金粟丸用葉子雖黃一

合子一个令乾盛藥水調赤石脂封口更以泥封

待乾架在地上炭火十斤簇煨候火消三分之一

去火候冷取出當如鏡面光明紅色鉢內細研蒸餅丸粟米大每服三九五九甘草水服後睡良久勝

腎消尿數乾薑半兩以鹽四錢炒黃成顆 小便不禁兩半研乾薑

空大每服十九至三十九聖濟綠 小便不禁兩半研乾薑

半兩益四錢同炒薑色黃為末水和蒸餅丸綠豆大每服十九至二十九空心和雞子黃聖惠方

烏癩蟲瘡雌黃粉醋和雞子黃 牛皮頑癬雌黃末入輕粉

石膏本經中品

釋名細理石別錄曰石膏生齊山山谷及齊廬山魯蒙山 寒水石綱目震亨曰火煨細研醋

膏此蓋兼質與能而得名正與石脂同意時珍曰其文理細密故名細理石其性大寒如水故名寒

水石與凝水石同名異物

集解別錄曰石膏生齊山山谷及齊廬山魯蒙山 二郡之山即青州徐州也今出錢塘縣皆在地中

好近道時時自出取之如碁子白徹最佳彭城者亦

恭曰石膏方解石大體相似而以未破為異今市

人皆以方解代石膏未見有真石膏也石膏生於

石旁其方解不因石而生端然獨處大者如升小

者如拳或在土中或生溪水其上皮隨土及水苔

色破之方解大者方尺今人以此為石膏療風去

熱雖同而解肌發汗不如真者大明曰石膏通亮

理如雲母者上又名方解石影曰凡使勿用方解

石方解雖白不透明其性燥若石膏則出剡州若

山縣義情山其色瑩淨如水精性良善也頌曰石

真者。用時惟以破之。皆作方稜者為方解石。今石膏中時時有瑩微可愛。有縱理而不方解者。或以為石膏。然據本草又似長石。或又謂青石間往往有白脉貫徹。類肉之膏肋者。為石膏。此又本草所謂理石也。不知石膏定是何物。今且依市人用方解石爾。關孝忠曰。南方以寒水石為石膏。以石膏為寒水石。正與汴京相反。乃大誤也。石膏潔白堅硬。有墻壁。寒水石則軟爛。以手可碎。外微青黑。中有細文。又一種堅白。全類石膏。而敲之成方者。名方解石也。承曰。陶言錢塘山中。雨後時自出。今錢塘人鑿山取之。甚多。搗作齒藥。貨用。浙人呼為寒水石。入藥最勝他處者。宗奭曰。石膏紛辯。不決。未悉厥理。本草只言生齊山。盧山蒙山。細理白澤者。良。即知他處者非石膏也。震亨曰。本草藥之命名。多有意義。或以色。或以形。或以氣。或以質。或以味。或以能。或以時。是也。石膏固濟丹爐。苟非有膏。豈能為用。此蓋兼質與能而得。昔人以方解為石膏。誤矣。石膏味甘而辛。本陽明經藥。陽明主肌肉。

其甘也。能緩脾益氣。止渴去火。其辛也。能解肌出汗。上行至頭。又入太陰少陽。彼方解石。止有體重質堅性寒而已。求其有膏而可為三經之主治者。焉在哉。時珍曰。石膏有軟硬二種。軟石膏大塊生於石中。作層如壓扁米糕形。每層厚數寸。有紅白二色。紅者不可服。白者潔淨。細文短密。如束針。正如凝成白蠟狀。鬆軟易碎。燒之即白。爛如粉。其中明紫。色帶微青。而文長細。如白絲者。名理石也。與軟石膏乃一物。二種碎之。則形色如一。不可辨矣。硬石膏作塊而生。直理起稜。如馬齒。堅白。擊之則散。仍硬。不作粉。其似硬石膏成塊。擊之塊塊方解。墻壁光明者。名方解石也。燒之則姪散。亦不爛。與硬石膏乃一類。二種碎之。則形色如一。不可辨矣。自陶弘景蘇恭大明雷斅蘇頌關孝忠。皆以硬者為石膏。軟者為寒水石。至朱震亨始斷然以軟者為石膏。而後人遵用有驗。千古之惑始明矣。蓋昔人所謂寒水石者。即軟石膏也。所謂硬石膏者。乃

石膏類石音

長石也。石膏理石長石方解石四種。性氣皆寒。俱能去大熱結氣。但石膏又能解肌發汗為異。爾理石即石膏之類。長石即方解之類。俱可代用。各從其類也。今人以石膏收豆腐。乃昔人所不年。

修治 數日凡使石白中搗成粉。羅過。生甘草水飛。過。澄。晒。篩。研。用。時。珍。曰。古。法。惟。打。碎。如。豆。大。

緝。包。入。湯。煮。之。近。人。因。其。性。寒。火。煨。過。用。或。糖。拌。炒。過。則。不。妨。脾。胃。

氣味 辛微寒無毒 別錄曰。甘大寒。好古曰。入足陽。明手太陰少陽經氣分。之才曰。

雞子為之使。惡莽草。巴豆馬目毒公。畏鐵。

主治 中風寒熱心下逆氣驚喘口乾舌焦不能息

腹中堅痛除邪鬼產乳金瘡 本經 除時氣頭痛身熱

三焦太熱皮膚熱腸胃中結氣解臙發汗止消渴

煩逆腹脹暴氣喘咽熱亦可作浴湯 別錄 治傷寒頭

痛如裂壯熱皮如火燥和葱煎茶去頭痛 甄權 治天

行熱狂頭風旋下乳揩齒益齒 大明 除胃熱肺熱散

陰邪緩脾益氣 李杲 止陽明經頭痛發熱惡寒日晡

潮熱大渴引飲中暑潮熱牙痛 元素

發明 成無已曰。風陽邪也。寒陰邪也。風喜傷陽。寒喜傷陰。營衛陰陽為風寒所傷。則非輕劑所能獨散。必須輕重之劑。同散之。乃得陰陽之邪俱去。營衛之氣俱和。是以大青龍湯。以石膏為使。石膏乃重劑。而又專達肌表也。又云。熱淫所勝。佐以苦甘。知母石膏之苦甘。以散熱。元素曰。石膏性寒。味辛而淡。氣味俱薄。體重而沉降也。陰也。乃陽明經大寒之藥。善治本經頭痛牙痛。止消渴。中暑潮

本草綱目卷九

熱然能寒胃令人不食非腹有極熱者不宜輕用
又陽明經中熱發熱惡寒燥熱日晡潮熱肌肉壯
熱小便濁赤大渴引飲自汗苦頭痛之藥仲景用
白虎湯是也若無以上諸證勿服之多有血虛發
熱象白虎證及脾胃虛勞形體病證初得之時與
此證同醫者不識而誤用之不可勝救也果曰石
膏足陽明藥也故仲景治傷寒陽明證身熱日痛
鼻乾不得臥身以前胃之經也胃前肺之宰也邪
在陽明肺受火制故用辛寒以清肺氣所以有白
虎之名又治三焦皮膚大熱入手少陽也凡病脈
數不退者宜用之胃弱者不可用宗奭曰孫兆言
四月以後天氣熱時宜用白虎但四方氣候不齊
歲中運氣不一亦宜兩審其說甚雅時珍曰東垣
李氏云立夏前多服白虎湯者令人小便不禁此
乃降令太過也陽明津液不能上輸于肺肺之清
氣亦復下降故爾初虞世古今錄驗方治諸蒸病
有五蒸湯亦是白虎加人參茯苓地黃葛根因病
加減王燾外臺秘要治骨蒸勞熱久嗽用石膏文

如東鉞者一斤粉甘草一兩細研如麩以水調
三四服言其無毒有大益乃養命上藥不可忽其
賤而疑其寒名醫錄言睦州楊士丞女病骨蒸內
熱外寒衆醫不瘥處州吳醫用此方而體遂涼恩
謂此皆少壯脾胃火盛能食而病者言也若衰暮
及氣虛血虛胃弱者恐非所宜廣濟林訓導年五
十病痰嗽發熱或令單服石膏藥至一斤許遂不
能食而效益頻病益甚遂至不起此蓋用藥者之
膏膏也石膏何與焉楊士瀛云石膏煨過最能收
瘡暈不至爛肌按劉跂錢乙傳云宗室子病嘔泄
醫用溫藥加喘乙曰病本中熱奈何以剛劑燥之
將不得前後洩宜與石膏湯宗室與醫皆不信後
二日果來召乙曰仍石膏湯證也竟如言而愈又
按古方所用寒水石是凝水石唐宋以來諸方所
用寒水石即今之石膏也故寒水石諸方多附于
後近人又以長石方解石為寒水石不可不辨之
附方 舊四新傷寒發狂 踰垣上屋寒水石二錢黃
連一錢為末煎甘草冷服

名鵲石散 **風熱心躁** 口乾狂言 半身壯熱 寒水石

四兩濕土 攤起經宿 取出入甘草末 天竺黃各二

兩龍腦二分 糯米糕丸 彈子大 蜜水磨下 集驗

解中諸毒 方同上 **乳石發渴** 寒水石一塊 舍之以

男女陰毒 寒水石不拘多少 為末 用兩縮飯 搗丸

以滾酒調服 飲葱醋湯 投之 **小兒丹毒** 寒水石末

得汗愈 蔡氏經驗 必用方 **小兒丹毒** 一兩 和末

塗之 **小兒身熱** 石膏一兩 青黛一錢 為末 糕糊

集玄方 **骨蒸勞病** 外寒內熱 附骨而蒸 也其根在

濟方 普 **骨蒸勞病** 五臟六腑之中 必因患後得之

骨肉日消 飲食無味 或皮燥而無光 蒸盛之時 四

肢漸細 足跌腫起 石膏十兩 研如乳粉 水和服 方

寸七日 再以身涼 **熱盛喘嗽** 石膏二兩 甘草炙半

為度 外臺秘要 **熱盛喘嗽** 兩為末 每服三錢 生

薑蜜調下 **痰熱喘嗽** 痰涌如泉 石膏寒水石各五

普濟方 **食積痰火** 瀉肺火 胃火 白石膏 火煨出火毒

保命 五十九 丹溪方 **胃火牙疼** 好軟石膏一兩 火煨淡酒

下 辛白芷五分 為末 日用 **老人風熱** 內熱目赤 頭痛

指牙甚効 保壽堂方 **老人風熱** 視不見物 石膏

煎石膏竹葉五十片 沙糖一兩 粳米三合 水三大盞

風邪眼寒 乃風入頭系 敗血凝滯 不能上下 流通

芎二兩 甘草炙半兩 為末 每服一錢 **頭風涕淚** 痛

葱白茶湯調下 日二服 宣明方 **頭風涕淚** 痛

不巳方 **鼻衄頭痛** 心煩石膏二錢 并滴鼻內 普濟

方 **筋骨疼痛** 因風熱者 石膏三錢 飛羅麩七錢 為

汗連服三日即除 **雀日夜昏** 服百治不効石膏末每

根批搽藥在上纏定沙瓶煮熟 **濕温多汗** 妄言煩渴

切食之一日一服 明目方 **小便卒數** 非淋令人

草等分爲末每服二錢七漿 **小兒吐瀉** 黃色者勿熱也

水調下 麗安時傷寒論 **水瀉腹鳴** 如雷

斤搗碎水一斗煮五升 **婦人乳癰** 一醉膏用

服五合 肘後方 **油傷火灼** 不

寒水石各五錢生甘草二錢半爲 **乳汁不**

末滾湯調服一錢 錢乙小兒方 **積德堂**

者石膏火煨倉米飯和丸梧子大黃丹爲 **積**

衣米飲下二十九不二服効 李樓奇方 **積**

下 石膏三兩水二升煮三沸 **積**

三日飲盡妙 子母秘錄 **積**

出火毒研每服三錢温酒下添酒盡 **積**

醉睡覺再進一服 陳日華經驗方 **積**

可忍石膏末傳 **積**

之良 梅師方 **積**

積

方 **乃瘡傷濕** 潰爛不生肌寒水石煨一兩黃丹二

茶一錢○ **瘡口不斂** 生肌肉止疼痛去惡水寒水

種德堂方 **口瘡咽痛** 上膈有熱寒水石煨三

末搽之名紅玉 **積**

散和濟局方 **積**

字爲未搽之 **積**

于三因方 **積**

附錄玉火石 頌曰密州九仙山東南隅地中出一

火石彼醫用之其味甘微辛温療傷寒發汗止 **龍**

頭目昏眩痛功與石膏等土人以當石膏用之 **龍**

石膏 別錄曰有名未用無毒主消

理石 本經中品 **理石**

釋名肌石 別立制石 本經時珍曰理石即石膏之

正作黃

石肌石弘景曰仙經時呼為長理石石
膽一名立制此今又名立制疑必相亂

集解別錄曰理石如石膏順理而細生漢中山谷
及盧山永無時弘景曰漢中屬梁州盧山屬

青州今出寧州俗用亦稱恭曰此石夾兩石間如
石脉打用之或在土中重叠而生皮正赤肉白作

鐵理文全不似石膏市人或刮削去皮以代寒水
石并以當礬石並是假偽今盧山亦無此物見出

襄州西泚水側宗奭曰理石如長石但理石如石
膏順理而細其非順理而細者為長石療體亦不

相遠時珍曰理石即石膏中之長文細直如絲而
明潔色帶微青者唐人為石膏為寒水石長石為

石膏故蘇恭言其不似石膏也此石與
軟石膏一類二色亦可通用詳石膏下

氣味甘寒無毒別錄曰大寒之才曰主治身熱利

胃解煩益精明目破積聚去三蟲本經除管衛中去

來大熱結熱解煩毒止消渴及中風痿痺別錄漬酒

服療癖令人肥悅恭蘇

附錄白肌石別錄有名未用曰味辛無毒主強筋

名洞石生廣卷山青石間時珍曰按

長石本經

釋名方石本經直石別錄土石別錄硬石膏綱目

集解別錄曰長石理如馬齒方而潤澤玉色生長

屬上黨臨淄縣屬青州俗方仙經並無用此者恭

曰此石狀同石膏而厚大縱理而長文似馬齒今

均州遼坂山有之土人以為理石頌曰今惟潞州

有之如蘇恭所說按本經理石長石二物味効亦

別又云。理石似石膏。順理而細。陶隱居言亦呼為長理石。今靈寶丹用長理石。為一物。醫家相承用者。乃似石膏。與今潞州所出長石無異。而諸郡無復出理石者。醫方亦不見單用。往往呼長石為長理石。時珍曰。長石。即俗呼硬石膏者。狀似軟石膏。而塊不扁。性堅硬。潔白。有粗理。起齒稜。擊之則片片橫碎。光瑩如雲母。白石英亦有墻壁。似方解石。但不作方塊。爾燒之亦不粉爛。而易散。方解燒之亦然。但炆聲為異。爾昔人以此為石膏。又以為方解。今人以此為寒水石。皆誤矣。但與方解乃一類二種。故亦名方石。氣味功力相同。通用無妨。唐宋諸方所用石膏。多是此石。昔醫亦以取効。則亦可與石膏通用。但不可解肌發汗耳。

氣味辛苦寒無毒 **主治**身熱胃中結氣四肢寒厥利小便通血脉明目去翳眇下三蟲殺蠱毒久服

不饑 本經 **止消渴下氣除脇肋肺間邪氣** 別錄

方解石 別錄下品

釋名 **黃石** 志曰敲破塊塊方解故以為名

集解 別錄曰方解石生方山采無時弘景曰本經物大體與石膏相似不附石而生端然獨處大者如升小者如拳甚大者方尺或在土中或生溪水其上皮隨土及水苔色破之方解今人以為石膏用療風去熱雖同而解肌發汗不及也志曰今沙州大鳥山出者佳頌曰方解石本草言生方山陶隱居疑與長石為一物蘇恭云療熱不減石膏若然似可通用但主頭風不及石膏也其肌理形段剛柔皆同但以附石不附石為言豈得功力頓異如雌黃雄黃亦有端然獨處者亦有附石生者不聞別有名號功力相異也時珍曰方解石與硬石

膏相似。皆光潔如白石英。但以敲之。段段片碎者。為硬石膏。塊塊方稜者。為方解石。蓋一類二種。亦可通用。唐宋諸方。皆以此為石膏。今人又以為寒水石。雖俱不是。而其性寒治熱之功。大抵不相遠。惟解肌發汗。不能如硬石膏為異爾。

氣味苦辛大寒無毒之才曰惡巴豆**主治**胃中留熱結氣

黃膽通血脉去蠱毒別錄

滑石本經上品

釋名畫石義液石別錄管石音遼脫石音奪冷石弘景番石

共石宗奭曰滑石今謂之畫石因其軟滑可寫故以名之表畫家用刷紙代粉最白膩管乃脂膏也。因以名。縣脫乃肉無骨也。此物最滑膩無硬者

為良故有諸名

集解別錄曰滑石生赭陽山谷及太山之陰或披

仙經用之為泥。今出湘州始安郡諸處。初取軟如泥。久漸堅強。人多以作塚中明器物。赭陽屬南陽。被縣屬青州東萊。卷縣屬司州滎陽。又有冷石。小者黃。並冷利。能熨油。汚衣物。恭曰。此石所在皆有。嶺南始安出者。白如凝脂。極軟滑。出被縣者。理粗質青。有黑點。惟可為器。不可入藥。齊州南山神通寺南谷亦大有。色青白不佳。而滑膩則勝。藏器曰。始安被縣所出二石。形質既異。所用又殊。始安者軟滑而白。宜入藥。東萊者硬濇而青。乃作器石也。數曰。凡使有多般。其白滑石如方解石。色似米白。畫石上有白膩文者。真也。烏滑石似豎。畫石上有青白膩文。入用亦妙。綠滑石性寒有毒。不入藥用。黃滑石似金顆。顆圓。畫石上有青黑色者。勿用。殺人。冷滑石。青蒼色。畫石上作白膩文。亦勿用之。頌

豎音衣
美玉也

日。今道永蔡濠州。皆有之。凡二種。道永州出者。白滑如凝脂。南城志云。管成縣出管石。即滑石也。土人以為燒器。烹魚食是也。萊濠州出者。理粗質青。有黑點。亦謂之斑石。二種皆可作器。甚精好。初出軟柔。彼人就穴中制作用。力殊少也。本草所載。土地皆是北方。而今醫家所用白色者。自南方來。或云沂州所出。甚白佳。與本草所云。太山之陰相合。而彼土不取為藥。今濠州所供。青滑石。云性寒無毒。主心氣滯滯。與本經大同小異。又張勃吳錄地。地理志及大康地記云。鬱林州。布山縣。馬湖。馬嶺山。皆有。虺甚毒殺人。有冷石。可以解之。石色赤黑。味苦。屑之著瘡中。并以切齒立蘇。一名切齒石。今人多用。冷石作粉。治瘰癧。或云。即滑石也。但味之甘苦不同。爾時珍曰。滑石。廣之桂林。各色。及徭峒中。皆田之。即古之始安也。白黑二種。功皆相似。山東蓬萊縣。桂府村所出者。亦佳。故醫方有桂府滑石。與桂林者。同稱也。今人亦以刻圖書。不甚堅牢。滑石之根。為不灰水。滑石中有光明黃子。為石腦芝。

修治

數日。凡用白滑石。先以刀刮淨。研粉。以牡丹皮。同煮一伏時。去牡丹皮。取滑石。以東流水

淘過。晒乾用。

氣味甘寒無毒

別錄曰。大寒之才。石韋為之使。惡曾青。制雄黃。

主治身熱

乳難癰閉。利小便。蕩胃中積。

聚寒熱。益精氣。久服輕身耐饑。長年

本經通九竅。六

腑津液去留。結止渴。令人利中。

別錄

燥濕分水道。實

大腸。化食毒。行積滯。逐凝血。解燥渴。補脾胃。降心

火。偏主石淋。為要藥。

震亨

療黃疸水腫脚氣吐血。衄

血。金瘡血出。諸瘡腫毒。

時珍

日。今道永萊濠州皆有之。凡二種。道永州出者。白滑如凝脂。南城志云。管成縣出管石。即滑石也。土人以爲燒器。烹魚食是也。萊濠州出者。理粗質青。有黑點。亦謂之斑石。二種皆可作器。甚精好。初出軟柔。彼人就穴中制作用。力殊少也。本草所載。土地皆是北方。而今醫家所用白色者。自南方來。或云沂州所出。甚白佳。與本草所云。太山之陰相合。而彼土不取爲藥。今濠州所供。青滑石。云性寒無毒。主心氣滯滯。與本經大同小異。又張勃吳錄地。理志及大康地記云。鬱林州布山縣。馬湖。馬嶺山。皆有。其甚毒殺人。有冷石。可以解之。石色赤黑味苦。皆之著瘡中。并以切齒立蘇。一名切齒石。今人多用。冷石作粉。治癩瘡。或云。即滑石也。但味之甘苦不同。爾時珍曰。滑石。廣之桂林。各色。及徭峒中。皆出之。即古之始安也。白黑二種。功皆相似。山東蓬萊縣。桂府村所出者。亦佳。故醫方有桂府滑石。與桂林者。同稱也。今人亦以刻圖書。不甚堅牢。滑石之根。爲不灰水。滑石中有光明黃子。爲石腦芝。

修治

數日。凡用白滑石。先以刀刮淨。研粉。以牡丹皮。同煮一伏時。去牡丹皮。取滑石。以東流水

淘過。晒乾用。

氣味甘寒無毒

別錄曰。大寒。之才曰。石韋。爲之使。惡曾青。制雄黃。

主治身熱洩瀉。女子乳難。癰閉。利小便。蕩胃中積。

聚寒熱。益精氣。久服輕身耐饑。長年通九竅。六

腑津液去留。結止渴。令人利中。燥濕分水道。實

大腸。化食毒。行積滯。逐凝血。解燥渴。補脾胃。降心

火。偏主石淋。爲要藥。療黃疸水腫。脚氣吐血。衄

血。金瘡。血出。諸瘡。腫毒。

Kitasato Memorial Medical Library

Handwritten Japanese text in cursive style (sōsho), likely a medical prescription or note. The text is arranged in vertical columns and includes characters such as 用 (yō) and 丸 (maru).



發明

頌曰古方治淋瀝多單使滑石又與石韋同搗末飲服刀圭更駛又主石淋取十二分研粉分作兩服水調下煩熱定即停後服權曰滑石入其月即空心酒下彈丸大臨產倍服令胎滑易生除煩熱心燥元素曰滑石氣溫味甘治前陰竅滑不利性沉重能泄上氣令下行故曰滑則利竅不與諸淡滲藥同好古曰入足太陽經滑能利竅以通水道為至燥之劑豬苓湯用滑石阿膠同為滑劑以利水道葱豉生薑同煎去滓澄清以解利淡味滲洩為陽故解表利小便也若小便自利者不宜用時珍曰滑石利竅不獨小便也上能利毛脈之竅下能利精溺之竅蓋甘淡之味先入于胃滲走經絡遊益津氣上輸于肺下通膀胱肺主皮毛為水之上源膀胱司津液氣化則能出故滑石上能發表下利水道為蕩熱燥濕之劑發表是蕩上中之熱利水道是蕩中下之熱發表是燥上中之濕利水道是燥中下之濕熱散則三焦寧而表

附方

舊六新益元散又名天水散太白散六一散
 裏和濕去則開門通而陰陽利劉河間之用益原散通治表裏上下諸病蓋是此意但未發出爾
 憂愁思慮驚恐悲怒傳染并汗後遺熱勞復諸疾兼解兩感傷寒百藥酒食邪熱毒治五勞七傷一切虛損內傷陰痿驚悸健忘癰瘰煩滿短氣痰嗽肌肉疼痛腹脹悶痛淋瀝瀉痛服石石淋療身熱嘔吐泄瀉腸澀下痢赤白除煩熱胸中積聚寒熱止渴消畜水婦人產後損液血虛陰虛熱甚催生下乳治吹乳乳癰牙齦齒疳此藥大養脾胃腎之氣通九竅六腑去留結益精氣壯筋骨和氣通經脈消水穀保真元明耳目安寢定魄強志輕身駐顏益壽耐勞役飢渴乃神驗之仙藥也白滑石水飛過六兩粉甘草一兩為末每服三錢蜜少許溫水調下實熱用新汲水下解利用葱豉湯下通乳用猪肉麩湯調下催生用香油漿下凡難產或死胎不下皆由風熱燥滯結滯緊斂不能舒緩故也此

藥力至則結滯頓開而瘥
矣 劉河間傷寒直格

水三大錢煎二盞去滓
入梗米煮粥食 聖惠 女勞黃疸 目瞽發熱惡寒

黑額黑滑石石膏等分研末大麥汁服方寸
七日三小便大利愈腹滿者難治 千金方 傷寒

衄血 滑石末飯丸梧子大每服十丸微嚼破新水
其血紫黑時不止湯暍叔云鼻衄乃當汗不汗所致

其管衛待血鮮時急服此藥止之也 且服溫和藥調
乳石發動 煩熱煩渴滑石粉半兩水一

仍以下食生滑石末二錢七溫水服 氣壅關格 不通
淋結臍下妨悶兼痛滑石 小便利通 以車前汁和

粉一兩水調服 廣利方 婦人轉脬 因過忍小
塗臍之四畔方四寸乾即易 便而致滑

之冬月水和 楊氏產乳 婦人轉脬 因過忍小

石末葱湯服二 娠子淋 不得小便滑石末水和

錢 聖惠方 娠子淋 不得小便滑石末水和

要 伏暑水泄 白龍丸滑石火煨過一兩硫黃四錢

大小服 伏暑吐泄 或吐或泄或瀉小便赤煩渴

藿香一錢丁香一錢為末 霍亂及瘧 方同 痘瘡狂

米湯服二錢 普濟方 霍亂及瘧 方同 痘瘡狂

亂 循衣摸床大熱引飲用益原散加朱砂二錢水

痘疹 風毒熱瘡 遍身出黃水桂府滑石末傅之次

湯洗後乃搽 陰下濕汗 滑石一兩石膏煨半兩枯

方 腳指縫爛 方同 杖瘡腫痛 滑石赤石脂大黃等

○趙氏 熱毒怪病 目赤鼻脹大喘渾身出斑毛髮

經驗方 如鐵乃因中熱毒氣結于下焦

用滑石白礬各一兩為末作一服水三
盞煎減半不住飲之
夏子益奇病方

不灰木

宋開寶

釋名無灰木

見下

集解

頌曰不灰木出上黨今澤潞山中皆有之蓋石類也其色白如爛木燒之不燃以此得名或云滑石之根也出滑石處皆有之采無時藏器曰要燒成灰但研破以牛乳煮了黃牛糞燒之即成灰時珍曰不灰木有木石二種石類者其體堅重或以紙裹蘸石腦油然燈徹夜不成灰人多用作小刀靴開山圖云徐無山出不灰之木生火之石山在今順天府玉田縣東北與辛玉冊云不灰木陰石也生西南蠻夷中黎州茂州者好形如針文全若木燒之無烟此皆言石者也伏深齊地記云東武城有勝火木其木經野火燒之不滅謂之不灰木楊慎丹鉛錄云太平寰宇記云不灰木俗

多為鋌子燒之成炭而不灰出膠州其葉如蒲草今人束以為燎謂之萬年火把此皆言木者也時珍常得此火把乃草葉束成而中夾松脂之類一夜僅燒一二十寸爾

附錄松石

頌曰今處州出一種松石如松幹而實石也或云松久化為石人多取傍山亭及琢為枕雖不入藥與不灰相類故附之

氣味甘大寒無毒

獨孤酒曰煮承結草砂煨三黃匱五金

主治熱癩瘡和棗葉石灰為粉傅之

開寶除煩熱陽

厥

時珍

發明

時珍曰不灰木性寒而同諸熱藥治陰毒獨用服之蓋寒熱並用所以調停陰陽也

附方

肺熱咳嗽 臥時盛者不灰木一兩半大陰

一兩半天南星白礬水煮過半兩 咽喉腫痛 五心

為末每服半錢薑湯下 聖濟錄 咽喉腫痛 煩熱

不灰木以牛糞燒赤四兩太陰玄精石煨赤四兩

真珠一錢為末糯米粥九艾子大每服一丸以生

地黃汁粟米泔研化 霍亂煩滿 氣逆腹脹手足厥

服日二次 聖濟錄 霍亂煩滿 令不灰木陽起石

煨阿魏半兩巴豆去心杏仁去皮各二十五個為

末栗飯丸櫻桃大穿一孔每服一丸燈上燒烟盡

研末薑湯下以利 陰毒腹痛 壯陽骨用不灰木煨

為度 聖濟錄 陰毒腹痛 壯陽骨用不灰木煨

烏頭炮白芍藥各一錢為末入麝香少許每用一

錢男用女唾調塗外腎女用男唾調塗乳上得汗

即愈 王 機微義

五色石脂 木經上品

校正 併入五種石脂

釋名 時珍曰膏之凝者曰脂此物性粘

集解 別錄曰五色石脂生南山之陽山谷中又曰

色如鸞雛黑石脂生頴川陽城白石脂生太山之

陰赤石脂生濟南射陽又太山之陰並采無時普

曰五色石脂一名五色符青符生南山或海涯黃

符生嵩山色如純腦鵝雛黑符生洛西山空也白

符生少室天婁山或太山赤符生少室或太山色

絳滑如脂弘景曰今俗惟用赤石白石二脂好者

出吳郡亦出武陵建平義陽義陽者出驛縣界東

八十里狀如純腦赤者鮮紅可愛隨采復生餘三

又一作反

純系也

陽作州

川

甚佳。惟延州山中所出最良。揭兩石中取之。頌曰：白石脂赤石脂。今惟潞州出之。潞與慈州相近也。宗奭曰：赤白石脂。四方皆有。以理膩粘舌綴唇者為上。

修治 數曰凡使赤脂。研如粉。新汲水飛過三度。晒乾用。時珍曰：亦有火煨水飛者。

氣味五種石脂並甘平。 大明曰並溫無毒。畏黃岑大黃官桂。

主治黃疸洩痢腸澼濃血陰蝕下血赤白邪氣瘰。腫疽痔惡瘡頭瘍疥癩久服補髓益氣肥健不饑。

輕身延年五石脂各隨五色補五臟。 本經治洩痢血。

崩帶下吐血衄血。瀉精淋瀝除煩療驚悸壯筋骨。

補虛損久服悅色治瘡癰痔漏排膿。 大明

青石脂 **氣味**酸平無毒。 普曰青符。神農曰：甘。雷公曰：酸。無毒。桐君曰：辛。無毒。李當之。

大寒。 **主治**養肝膽氣明目療黃疸洩痢腸澼女子帶下。

百病及疽痔惡瘡久服補髓益氣不饑延年。 別錄

黃石脂 **氣味**苦平無毒。 普曰黃符。雷公曰：苦。李當之。

惡細辛畏蜚蠊黃連甘。草數曰服之忌卵味。 **主治**養脾氣安五臟調中。

大人小兒洩痢腸澼下膿血去白蟲除黃疸癰疽。

蟲久服輕身延年。 別錄

黑石脂 別錄曰一名石墨。一名石涅。時珍曰：此乃石脂之黑者。可為墨。其性粘舌。與石炭。

不同。南人謂之畫眉石。許氏說文云。黛畫眉石也。**氣味**鹹平無毒普曰黑符桐君

甘無毒。主治養腎氣強陰主陰蝕瘡止腸澼洩痢療

口瘡咽痛久服益氣不饑延年別錄

白石脂氣味甘酸平無毒普曰白符一名隨岐伯雷公酸無毒桐君甘無

毒扁鵲辛李當之小寒權曰甘辛果曰温之才曰得厚朴米汁飲止便膿燕屎為之使惡松脂畏黃

苓頌曰畏黃連甘草飛廉馬目毒公

主治養肺氣厚腸補骨髓療五臟驚悸不足心下

煩止腹痛下水小腸澼熱溲便膿血女子崩中漏

下赤白沃排瘡疽瘡痔久服安心不饑輕身延年

別錄**澹太腸**甄權

附方新舊四小兒水痢形之不勝湯藥白石脂半兩研粉和白粥空肚食之

母秘錄小兒滑泄白龍丸白石脂白龍骨等分為末水丸黍米大每量大小木瓜紫蘇

湯下全久泄久痢白石脂乾薑等分研百沸湯和麩為稀糊搜之併手丸梧

幼心鑑子大每米飲下三兒臍汁出赤腫白石脂末熨温撲之日三度勿搗動

十九斗門方兒臍血出多啼方同上粉滓面黠白石脂六兩白

○韋宙獨行方兒臍血出寇氏衍義

飲十二兩為末雞子白和夜塗旦洗聖濟錄

赤石脂氣味甘酸辛大温無毒普曰赤符神農雷公甘黃帝扁鵲無

毒李當之小寒之才曰畏荒花惡大黃松脂頌曰古人亦單服食云發則心痛飲熱酒不解用綿裹

葱豉煮水飲之 **主治** 養心氣明目益精療腹痛腸澼下痢

赤白小便利及瘡疽瘡痔女子崩中漏下產難胞

衣不出久服補髓好顏色益智不饑輕身延年 別錄

補五臟虛乏 甄權 補心血生肌肉厚腸胃除水濕收

脫肛 時珍

發明 弘景曰五色石脂本經療體亦相似別錄分條具載今俗惟用赤白二脂斷下痢耳元素

曰赤白石脂俱甘酸陽中之陰固脫果曰降也陽中陰也其用有二固腸胃有收斂之能下胎衣無

推蕩之峻好古曰清可去脫石脂為收斂之劑赤入丙白入庚時珍曰三石脂皆手足陽明藥也其

味甘其氣溫其體重其性瀉瀉而重故能收濕止血而固下世而溫故能益氣生肌而調中中者腸

胃肌肉驚悸黃疸是也下者腸澼泄痢崩帶失精是也五種主療大抵相同故本經不分條目但云

各隨五色補五臟別錄雖分五種而性味主治亦不甚相遠但以五味配五色為異亦是強分爾赤

白二種一入氣分一入血分故時用尚之張仲景用桃花湯治下痢便膿血取赤石脂之重瀉入下

焦血分而固脫乾薑之辛溫暖下焦氣分而補虛粳米之甘溫佐石脂乾薑而潤腸胃也

附方 新舊五 **小兒疳瀉** 赤石脂末米飲調服半錢立

方 **大腸寒滑** 小便精出赤石脂乾薑各一兩胡椒

飲下五七十九丸有人病此熱藥服至一斗二

升不効或教服此終四劑而息 **赤白**

下痢 赤石脂末飲服 **冷痢腹痛** 花丸赤石脂

乾薑炮等分為末蒸餅和丸量 **老人氣痢** 石脂五

大小服日三服和劑局方

本堂綱目石部 卷九

兩水飛白麩六兩水煮熟入葱醬作傷寒下痢膿

腫空心食三四次即愈養老方

血不止桃花湯主之赤石脂一斤一半全用一半

末用乾薑一兩粳米半升水七升煮米熟去滓每

服七合納末方寸七日痢後脫肛為赤石脂伏龍肝

三服愈乃止伴景方

白礬錢反胃吐食絕好赤石脂為末蜜丸梧子

氏小兒方

先以豆仁一枚勿令破以痰飲吐水無時節者

津吞之後乃服藥聖惠方

飲過度遂令脾胃氣弱不能消化飲食入胃

皆變成冷水反吐不停赤石脂散主之赤石脂一

斤搗篩服方寸七酒飲自住稍加至三七服盡一

斤則終身不吐痰水又不下痢補五臟令人肥健

有人痰飲服諸藥不効心痛徹背赤石脂乾薑蜀

用此遂愈千金翼方

炮二分烏頭炮一分為末蜜丸梧子大先經水過

食服一分不佳稍增之張仲景金匱方

多服赤石脂破故紙一兩為末每小便不禁赤石脂

煨各三兩鹽一兩為末糊丸梧子

桃花石

唐本草

集解恭曰桃花石出申州鍾山縣似赤石脂但色

若桃花光潤而重目之可愛頌曰今信陽州有之

形塊似赤石脂紫石英華采無時陶弘景言赤石

脂出義陽者狀如他腦鮮紅可愛蘇恭非之云是

桃花石久服肥人今土人以療痢功用亦不相遠

宗奭曰桃花石有赤白二種有赤地淡白點如桃

花片者有淡白地赤點如桃花片者人往往鑄磨

為器用亦罕服之時珍曰此即赤白石脂之不

粘舌堅而有花點者非別一物也故其氣味功用

皆同石脂昔張仲景治痢有桃花丸皆即此物耳

本草綱目卷九

氣味甘溫無毒主治大腸中冷膿血痢久服令人

肥悅能食唐本

爐甘石綱目

釋名爐先生土宿真君曰此物點化為神藥絕妙也時珍曰爐火所

集解時珍曰爐甘石所在坑冶處皆有川蜀湘東南者為勝金銀之苗也其塊大小不一狀似羊腦

於銀坑者其色白或帶青或帶綠或粉紅赤銅得之即變為黃今之黃銅皆此物點化也造化指南云爐甘石受黃金白銀之氣熏陶三十年方能結成以大礮浸及砒黃過皆可點化不減三黃崔勅

外丹本草云用銅一斤爐甘石一斤鍊之即成鎗石一斤半非石中物取出乎真鎗石生波斯如黃金燒之赤修治時珍曰凡用爐甘石以炭火煨紅而不黑童子小便淬七次水洗淨研粉水

氣味甘溫無毒主治止血消腫毒生肌明目去翳

退赤收濕除爛同龍腦點治目中一切諸病時珍

發明時珍曰爐甘石陽明經藥也受金銀之氣故治目病為要藥時珍常用爐甘石煨淬海漂

附方新十目暴赤腫爐甘石火煨尿淬風化消等

御藥諸般翳膜爐甘石青礬朴消等分為末每用院方

明一切目疾 真爐甘石半斤用黃連四兩剉豆大

方未入片腦二錢半研勻罐收每點少許頻用取

効○又方爐甘石煨一錢盆消一錢為末熱湯泡

洗目中諸病 石連光明散治眼中五輪八廓諸證

者以桑柴灰一斗火煨赤研末用雅州黃連各四

兩切片煎水浸石澄取粉晒乾用鈇粉二定以二

連水浸過炒之雄黃研末每用甘石鈇粉各三分

雄黃一分片腦半分研勻點眼甚妙 張氏方

目暗昏花 醋淬七次煨童尿滓七次代諸石火煨

蜜半斤以銅鑊鍊去白沫更添清水五六盞熬沸

下藥文武火煨至一盞滴水不散以夾紙濾入瓷

器收之頻點日用 爛弦風眼 淚爛弦白爐甘石四

兩火煨童尿滓七次地上出毒三日細研每用椒

湯洗目後臨臥點三四次早以茶湯洗去甚妙

○又方爐甘石一斤火煨黃連四兩煎水淬七次

為末入片腦每用點目○宣明眼科方用爐甘石

石膏各一錢海螵蛸三分為末入片腦麝香各少

許收點○衛生易簡方用爐甘石二兩以黃連一

兩煎水入童尿半盞再熬下朴消一兩又熬成以

火煨石淬七次洗淨為末入蜜陀僧末一兩研勻

收點 聽耳出汗 爐甘石煨寒水石等分為末每用少許

之 齒疎陷物 擦牙忌用刷牙久自密 集玄方

漏瘡不合 童尿制爐甘石牡蠣粉外寒 下疳陰瘡

爐甘石火煨醋淬五次一兩孩兒茶三錢 陰汗濕

為末麻油調傳立愈 通妙邵真人方

痒 爐甘石一分真蚌粉半 直指方

井泉石 朱嘉祐

釋名 時珍曰性寒如井泉故名

集解 禹錫曰井泉石近道處處有之以出饒陽郡者為勝生田野中間穿地深丈餘得之形如土色圓方長短大小不等內實而外圓重重相疊采無時又一種如薑石者時人多指為井泉石非是頌曰深州城西二十里劇家村出之

修治 禹錫曰凡用細研水飛過不爾令人淋

氣味 甘大寒無毒**主治** 諸熱解心臍熱結熱嗽小兒熱疳雀目青盲眼赤腫痛消腫毒得決明菊花

療小兒眼疳生翳膜得大黃卮子治眼瞼腫赤

附方 新 膀胱熱閉 小便不快井泉石海金沙車前子滑石各一兩為末每服二錢

蜜湯下 〇 **風毒赤目** 井泉石半兩井中蒼焙穀精草一兩豉焙一合為末每服

二錢空心井華 產後搐搦 俗名雞爪風舒筋散用

水服 聖濟錄 酒浸木香各一兩人參川芎官桂丁香各半兩為末每服三錢大豆淋酒調下出汗即愈 宣明方

瘰癧搔痒 井泉石生二兩寒水石煨四兩 聖濟錄 腦子半錢為末撲之

無名異 宋開寶

釋名 時珍曰無名異 異 庚詞也

集解 志曰無名異出大食國生於石上狀如黑石炭番人以油鍊如蠶石嚼之如饒頌曰今廣

州山石中及宜州八星龍濟山中亦有之黑褐色大者如彈丸小者如黑石子采無時數日無名異形似石炭味別時珍曰生川廣深山中而桂林極多一包數百枚小黑石子也似蛇黃而色黑近處

宜州南八里

度

五十一

五十一

五十一

五十一

五十一

五十一

五十一

五十一

五十一

五十一

山中亦時有之。用以煮蟹殼腥氣。煎煉。桐油收水氣。牽剪剪燈則燈自斷也。

氣味甘平無毒。伏硫黃。主治金瘡折傷內損止。

痛生肌肉。寶開消腫毒瘰疽醋摩傅之。蘇收濕氣。時

發明。時珍曰。按雷敷炮灸論序云。無名止楚。截指

也。昔人見山雞被網損其足脫去。斷一石摩其損

處。遂愈而去。乃取其石理傷折大効。人因傳之。

附方。新打傷腫痛。無名異為末。血皆散矣。集驗方。損

傷接骨。無名異甜瓜子各一兩。乳香沒藥各一錢

以黃米粥塗紙上。搽左顧牡礪。臨杖預報。無名異

末。裹之。竹筴夾住。多能鄙事。赤瘤丹毒。無名異末

溫服三五錢。則杖不甚痛。赤。蔥汁調塗。

立消。○痔漏腫痛。無名異炭火煨紅米酸滓七次

簡便方。填末入瘡口。數天。泡濕瘡。無名異末。井華水

次愈。潰爛。無名異。號丹。細研。清油調。股陰癢。無名異

香一字。研酒半盞。午後空。拳毛倒睫。無名異末。紙

腹服立効。多能鄙事。消渴引飲。無名異。一兩。黃連。二兩

起。保命集。煎湯送下。聖濟錄。脚氣痛楚。無名異。末。化。牛皮

煎百丸。以茄根蠶繭。膠調塗之。頻換。

蜜栗子

集解。時珍曰。蜜栗子。生川廣江浙金坑中。狀如蛇

黃而有刺。上有金線纏之。色紫褐。亦無名異。

之類也。丹爐家采作
五金匱藥。制三黃。

主治金瘡折傷有效

石鍾乳 本經上品

釋名留公乳 別錄 虛中 吳普 蘆石 別錄 鶯管石 綱目 夏石 別錄

黃石砂 藥性時珍曰石之津氣鍾聚成乳滴溜成石故名石鍾乳蘆與鶯管象其空中之狀也

集解 別錄曰石鍾乳生少室山谷及太山采無時一始始典而江陵及東境名山石洞亦皆有惟通中輕薄如鶯翎管碎之如瓜甲中無鴈齒光明者為善長挺乃有一二尺者色黃以苦酒洗刷則白

仙經少用而俗方所重恭曰第一始典其次廣連
禮朗郁等州者雖厚而光潤可愛饒之並佳今陝
州青溪房州三洞出者亞于始典自餘非其土地
不可輕服多發淋渴止可搗篩白練裹之合諸藥
草浸酒服之陶云有一二尺者謬說也思邈曰乳
石必須土地清白光潤羅紋鳥翻蟬翼一切皆成
白者可用其非土地者慎勿服之殺人甚於鳩毒
志曰別本注云凡乳生于深洞幽穴皆龍蛇潛伏
或龍蛇毒氣或洞口陰陽不均或通風氣鴈齒澆
或黃或赤乳無潤澤或煎煉火色不調一奠已後
不易水則生火毒服即令人發淋又乳有三種石
乳者其山洞純石以石津相滋陰陽交備蟬翼紋
成其性溫竹乳者其山洞通生小竹以竹津相滋
乳如竹狀其性平茅山之乳者其山有土石相雜
遍生茅草以茅津相滋為乳乳色稍黑而滑潤其
性微寒一種之中有上中下色皆以光澤為好餘
處亦有不可輕信炳曰如蟬翅者上瓜甲者次鶯
管者下明白而薄者可服頌曰今道州江華縣及

本草綱目卷九 五十三

連英韶階峽州山中皆有之。生崑穴陰處。溜山液而成。空中相通。長者六七寸。如鷲翎管狀。色白微紅。唐李補闕鍊乳法云。取韶州鍾乳。無問厚薄。但令顏色明淨光澤者。即堪入鍊。惟黃赤二色不任。用。柳宗元書亦云。取其色之美而已。不必惟土之信。是此藥所重。惟在明白者。不必如上所說數種也。今醫家但以鷲管中空者為最。又本經中品載殷孽云。鍾乳根也。孔公孽殷孽根也。石花石牀。並與殷孽同。又有石腦。亦鍾乳之類。凡此五種。醫家亦復稀用。但用鍾乳爾。時珍曰。按范成大桂海志所說甚詳。明云。桂林接宜融山。洞穴中鍾乳甚多。仰視石脉漏起處。即有乳牀。白如玉雲。石液融結成者。乳牀下垂如倒數峰小山。峰端漸銳。且長如冰柱。柱端輕薄。中空如鷲翎。乳水滴瀝不已。且滴且凝。此乳之最精者。以竹管仰承取之。鍊治家又以鷲管之端尤輕明。如雲母爪甲者為勝。

修治 數日凡使勿用頭相厚并尾大者為孔公石。不用。色黑及經大火驚過并久在地上收者。

曾經藥物制者。並不得用。須要鮮明薄而有光潤者。似鷲翎筒子為上。有長五六寸者。凡修事法。鍾乳八兩。用沈香零陵香藿香甘松白茅各一兩。水煮過。再煮汁。方用煮乳。一伏時。漉出。以甘草紫背天葵各二兩同煮。漉出。拭乾。緩火焙之。入日杵粉篩過。入鉢中。令有力少壯者二三人。不住研三日。三夜勿歇。然後以水飛澄過。絹籠於日中晒乾。入鉢。再研二萬遍。乃以瓷盆收之。慎微曰。太清經鍊鍾乳法。取好細末。置金銀器中。瓦一片蓋。蓋勿令洩氣。蒸之。自然化作水也。李補闕鍊乳法。見後。

氣味 甘溫無毒。普曰。神農辛。桐君黃帝醫和甘。扁鵲甘。無毒。權曰。有大毒。之才曰。蛇牀為之使。惡牡丹玄石牡蒙。畏紫石英。葦草。忌羊血。時珍曰。柑感志云。服乳石忌參朮。犯者多死。土宿真君曰。鍾乳產于陽洞之內。陽氣所結。伏之。可柔五金。麥門冬獨蒜韭實胡慈胡蔓。貓兒眼草。皆可伏之。

主治欬逆上氣明目益精安五臟通百節利九竅

下乳汁本經益氣補虛損療脚弱疼冷下焦傷竭強

陰久服延年益壽好顏色不老令人有子不鍊服

之令人淋別錄主泄精寒嗽壯元氣益陽事通聲甄權

補五勞七傷大明補髓治消渴引飲青雲子

發明慎微曰柳宗元與崔連州書云草木之生也

移焉况石鍾乳直產於石石之精粗疎密尋尺特

異而穴之上下土之厚薄石之高下不可知則其

依而產者固不一性然由其精密而出者則油然

而清汨然而輝其竅滑以夷其肌廉以微食之使

人榮華溫柔其氣宣流生胃通腸壽考康寧其粗

疎而下者則奔突結澀作大乍小色如枯骨或類

死灰奄頓不發叢齒積類重濁頑璞食之使人偃

蹇壅鬱泄火生風戟喉痒脚幽閉不聽心頓喜怒

肝舉氣剛不能平和故君子慎取其色之美而不

必惟土之信以求其至精凡為此也震亨曰石鍾

乳為慄悍之劑內經云石藥之氣悍仁哉言也凡

藥氣之偏者可用於暫而不可久夫石藥又偏之

甚者也自唐時太平日久膏梁之家惑於方士服

食致長生之說以石藥體厚氣厚習以成俗迨宋

至今猶未已也斯民何辜受此氣悍之禍而莫之

能救哀哉本草讚其久服延年之功柳子厚又從

而述美之予不得不深言也時珍曰石鍾乳乃陽

明經氣分藥也其氣慄疾令陽氣暴充飲食倍進

而形體壯盛昧者得此自慶益肆淫泆精氣暗損

石氣獨存孤陽愈熾久之營衛不從發為淋渴變

為癘疽是果乳石之過耶抑人之自取耶凡人陽

明氣衰用此合諸藥以救其衰疾平則止夫何不

可五穀五肉久嗜不已猶有偏絕之弊况石藥乎

種樹書云凡果樹作穴納鍾乳末少許固密則子

多而味美。納少許於老樹根皮間。則榦復茂。信然。則鍾乳益氣。令人有子之說。亦可類推。但恐嗜欲者。未獲其福。而先受其禍也。然有秉賦異常之人。又不可執一而論。張果醫說。載武帥雷世賢。多侍妾。常餌砂母鍾乳。日夜煎鍊。以濟其欲。其妾父苦寒。泄不嗜食。求丹十粒服之。即覺臍腹如火。少焉。熱狂投井中。救出。遍身發紫泡。數日而死。而世賢服餌于計。了無病惱。異哉。沈括筆談。載夏英公性豪侈。而稟賦異於人。纔睡。即身冷而僵如死者。常服仙茅鍾乳疏黃。莫知紀極。每晨以鍾乳粉入粥食之。有小吏竊食。遂發疽死。此與終身服附子無恙者。同一例也。沈括又云。醫之為術。苟非得之于心。未見能臻其妙也。如服鍾乳。當終身忌木。木能動鍾乳也。然有藥勢不能蒸。須要其動。而激發者。正如如火。少必借風氣鼓之。而後發。火盛則鼓之。反為害。此自然之理也。凡服諸藥。皆宜做此。又十便良方云。凡服乳人。服乳三日。自三日補之。服乳十日。即十日補之。欲飽食。以牛羊麋鹿等骨煎汁。任

意作羹食之。勿食倉米臭肉及犯房事。一月後精氣滿盛。百脈流通。身體覺熱。逆臍肉起。此為得力。可稍近房事。不可頻數。令藥氣頓竭。獨更害人。戒之慎之。名之為乳。以其狀人之乳也。與神丹相配。與凡石迥殊。故乳稱石。語云。上士服石。服其精。下士服石。服其滓。滓之與精。其力遠也。此說雖明。快然須真。病命門火衰者。宜之。否則當審。

附方 新十 李補闕服乳法 主五勞七傷。效逆上氣。治寒嗽。通音聲。明目益。

精安五臟。通百節。利九竅。下乳汁。益氣補虛。損癆。脚弱。疼冷。下焦傷竭。強陰。久服。延年益壽。不老。令人有子。取韶州鍾乳。無問厚薄。但顏色明淨。光澤者。即堪入鍊。惟黃赤二色。不任用。置子金銀器中。大鑪著水。沉器煮之。冷如魚眼。沸水減。即添乳。少三日。三夜。乳多。七日。七夜。候乾。色變黃白。即熟。如疑生。更煮。滿十日。最佳。取出。去水。更以清水煮。半日。其水色清。不變。即止。乳無毒矣。入瓷鉢中。玉髓。

著水研之覺乾漚即添水常令如稀米泔狀研至
 四五日指之光膩如書中白魚便以水洗之不隨
 水落者即熟落者更研乃澄取暴乾每用一錢半
 溫酒空腹調下兼和丸散用其煮乳黃濁水切勿
 服服之損人咽喉傷肺令人頭痛或下利不止
 其有犯者但食猪肉解之孫真人千金方
乳煎 治風虛勞損腰脚無力補益強壯用鍾乳粉
 煉成者三兩以夾練袋盛之牛乳一大升煎
 減三之一去袋飲乳分二服日一作不吐不利虛
 冷人微漚無若一袋可煮三十度即力盡別作袋
 每煎訖須濯淨令通氣其滓和麩饌雞生
 子食之此崔尚書方也孫真人千金翼
鍾乳酒 安五臘通百佈利九竅主風虛補下焦益精明目
 鍾乳煉成粉五兩以夾練袋盛之清酒六升瓶封
 湯內煮減三之二取出添滿封七日日飲
 三合忌房事葱豉生食硬食外臺秘要
鍾乳丸 治丈夫衰老陽絕肢冷少氣減食腰疼脚痺下氣
 消食和中長肌鍾乳粉二兩兔絲子酒浸焙石斛

各一兩吳茱萸湯泡七次炒半兩為末煉蜜和丸
 梧子大每服七丸空心溫酒或米湯下日二服服
 訖行數百步覺胸膈口熱稍定即食乾飯豆醬忌食
 粗臭惡食及聞尸穢等氣初服七日勿為陽事過
 七日乃可服此曹公卓方也
元氣虛寒 功乃績服此曹公卓方也
一切勞嗽 方見陽 起石下 胃膈痞滿焚香透膈散用鴛管
 末每用一錢安香爐上焚之以
肺虛喘急 筒吸烟入喉中日二次宣明
 熟粉光明者五錢蠟三兩化和飯甌內蒸
吐血損 熟研丸梧子大每溫水下一丸聖濟錄
肺 鍊成鍾乳粉每服二錢糯
大腸冷滑 米湯下立止十便良方
乳汁不通 豆寇煨半兩為末煮棗肉丸梧子大
 每服七丸空心米飲下濟生方
血衰脉瀆 不行故乳少也鍊成鍾乳粉二錢濃煎
 漏蘆湯調下或與通草等分為末米飲服方寸七

日三次○外臺秘要精滑不禁大府溇泄手足厥冷方見陽起石下

孔公孽 本經中品

釋名孔公石 綱目通石 時珍曰孔竅空通附垂于石如木之芽孽故曰孔公孽而

俗訛為孔公爾恭曰此孽次于鍾乳狀如牛羊角中有孔通故名通石別錄誤以此為股孽之根而俗猶呼為孔公孽是也

集解 別錄曰孔公孽股孽根也青黃色生梁山山亦出始興皆大塊打破之凡鍾乳之類有三種同

一體從石室上汁溜積久盤結者為鍾乳牀即孔公孽也其以次小龍窠者為股孽大如牛羊角長一二尺今人呼此為孔公孽也股孽復溜輕好者為鍾乳雖同一類而療體各異貴賤懸殊三鍾同根而所生各處當是隨其土地為勝爾保昇曰鍾

乳之類凡五種鍾乳股孽孔公孽石牀石花也雖同一體而主療各異頌曰孔公孽股孽既是鍾乳同生則有孽處皆當有乳今不問有之豈用之既寡則采者亦稀乎抑時人不知孽中有乳不盡采乎不能盡究也恭曰孔公孽次于鍾乳別錄誤以為股孽之根股孽即孔公孽之根俗人乃以孔公孽為股孽陶氏依之以孔公孽為鍾乳牀非矣時珍曰以薑石通石二石推之則似附石生而粗者為股孽接股孽而生以漸空通者為孔公孽接孔公孽而生者為鍾乳當從蘇恭之說為優蓋股孽如人之乳根孔公孽如乳房鍾乳如乳頭也

氣味辛溫無毒 普曰神農辛岐伯鹹扁鵲酸無毒大明曰甘煖權曰甘有小毒之才

主治傷食不化邪結氣惡瘡疽 日木蘭為之使惡細辛木忌羊血

瘰疬利九竅下乳汁 本經 男子陰瘡女子陰蝕及傷

食病常欲眠睡別錄主腰冷膝痺毒氣能使喉聲圓

亮甄權輕身充肌青霞子

發明弘景曰二孽不堪丸散止可水煮湯并酒浸飲之甚療脚弱脚氣

附方新風氣脚弱孔公孽二斤石斛五兩酒二斗浸服肘後方

殷孽本經中品

釋名薑石時珍曰殷隱也生于石上隱然如木之孽為之誤矣詳孔公孽下

集解別錄曰殷孽鍾乳根也生趙國山谷又梁山及南海采無時弘景曰趙國屬冀州亦出始興

氣味辛溫無毒之才曰惡防已畏木主治爛傷瘀血洩痢

典當作興

熱鼠瘦癥瘕結氣脚冷疼弱本經熏筋骨弱并痔瘻

及下乳汁別錄

發明見孔公孽下

附錄石牀唐本草恭曰味甘溫無毒酒漬服與殷孽同功一名乳牀一名逆石一名石笋

生鍾乳堂中采無時鍾乳水滴下凝積生如笋狀久漸與上乳相接為柱也陶謂孔公孽為乳牀非

也殷孽孔公孽在上石牀石花在下性體雖同上下有別石花唐本草恭曰味

脚風冷漬酒服與殷孽同功一名乳花生乳穴堂中乳水滴石上散如霜雪者三月九月采之大明

曰壯筋骨助陽道宗奭曰石花白色圓如覆大馬杓上有百十枝每枝各槎牙分岐如鹿角上有

細文起以指捺之錚錚然有聲其體甚脆不禁觸擊多生海中石上世方難得家中曾得一本本條

所注皆非是。時珍曰：石花是鍾乳滴于石上，遂散日久積成如花者。蘇恭所說甚明，寇宗奭所說乃不入藥用，非本草石花。正自誤矣。石骨，恭曰：石骨鍾乳似骨如玉，堅潤生五石脂中。

土殷孽

別錄下品

釋名土乳

唐本志曰：此則土脂液也。生于土穴，狀如殷孽，故名。

集解

別錄曰：生高山崖上之陰，色白如脂，采無時。弘景曰：此猶似鍾乳，孔公孽之類，故亦有孽名。但在崖上爾。今不知用。恭曰：此即土乳也。出渭州鄠縣三交驛西北坡平地，上窟中，見有六十餘坎。昔人采處，土人云：服之亦同鍾乳而不發熱。陶及本草云：生崖上非也。時珍曰：此即鍾乳之生於山崖土中者，南方名山多有之，人亦掘為石山貨之，充玩，不知其為土鍾乳也。

氣味鹹平無毒。主治婦人陰蝕，犬熱乾痂。

別錄

石腦

別錄中品

釋名石飴餅

別錄

石芝

綱目

化公石

時珍曰：其狀如結腦，故名。昔有化公服此又名化公石。

服此又名化公石。

集解

別錄曰：石腦生名山中，采無時。弘景曰：此石亦鍾乳之類，形如曾青而白色黑斑，而軟易破。今茅山東及西平山並有之。鑿土龕取出，恭曰：出徐州宋里山，初在爛石中，入土一丈以下得之。大如雞卵，或如棗許，觸著即散如麩，黃白色。土人號為握雪，礬石云：服之長生。保昇曰：蘇恭引握雪礬石為注非矣。時珍曰：按抱朴子內篇云：石腦芝生滑石中，亦如石中黃子狀，但不皆有耳。打破大滑石干許，乃可得一枚，初破之在石中，五色光明而自得，服一升得長生，乃石芝也。別錄所謂石

本草綱目石部 卷九
腦及諸仙服食。當是此物也。蘇恭所說本是石腦。而又以注握雪。舉石誤矣。握雪乃石上之液。與此不同。見後本條。

氣味甘温無毒 主治 風寒虛損腰脚疼痺安五臟

益氣 別錄

發明 弘景曰俗方不見用。仙經有劉君導仙散用之。又真誥云李整采服。療風痺虛損而得長生。恭曰隋時化公所服亦名石腦。時珍曰真誥載姜伯真在大橫山服石腦時時使人身熱而不渴。此即

此。即

石髓 拾遺

集解 藏器曰石髓生臨海華蓋山石窟土人采取。澄潤如泥。作丸如彈子。有白有黃。彌佳。時珍

龜音丘
茲音慈

神山五百年一開石髓出。服之長生。王列入山見石裂得髓食之。因撮少許與嵇康化為青石。北史云龜茲國非大山中。有如膏者。流出成川。行數里入地。狀如醞。服之齒髮更生。病人服之皆愈。方鎮編年錄云高展為并州判官。一日見砌間沫出。以手撮塗老吏面。皺皮頓改。為少年色。展以為神藥。問承天道士。道士曰此名地脂。食之不死。乃發砌無所見。此數說皆近石髓也。

氣味甘温無毒 主治 寒熱羸瘦無顏色積聚心腹

脹滿食飲不消皮膚枯槁小便數疾癖塊腹内腸

鳴下痢腰脚疼冷性壅宜寒瘦人 藏器

石腦油 宋嘉祐

校正 併入拾遺石漆

用之時珍

發明

時珍曰石油氣味與雄硫同故殺蟲治瘡其性走竄諸器皆滲惟瓷器琉璃不漏故錢乙治小兒驚熱隔實嘔吐痰涎銀液丸中用和水銀輕粉龍腦蠟尾白附子諸藥為丸不但取其化痰亦取其能透經絡走關竅也

石炭

釋名煤炭 石墨 鐵炭 烏金石

炭即烏金石上古以書字謂之石墨今俗呼為煤炭煤墨音相近也拾遺記言焦石如炭嶺表錄言康州有焦石穴即此也

集解

時珍曰石炭南北諸山產處亦多昔人不用故識之者少今則人以代薪炊爨煨鍊鐵石

如當作而

人為民利土人皆鑿山為穴橫入十餘丈取之有大塊如石而光者有疎散如炭末者俱作硫黃氣以酒噴之則解入藥用堅塊如石者昔人言夷陵黑土為劫灰者即此疎散者也孝經援神契云王者德至山陵則出黑丹水經言石炭可書然之難盡烟氣中人酉陽雜俎云無勞縣出石墨爨之彌年不消夷堅志云彰德南郭村井中產石墨宜陽縣有石墨山沂陽縣有石墨洞燕之西山楚之荊州與國州江西之廬山袁州豐城贛州皆產石炭可以炊爨並此石也又有一種石墨砥之粘舌可書字畫眉名畫眉石者即黑石脂也見石脂下

附錄然石

時珍曰曹叔雅異物志云豫章有石黃則再灌張華謂之然石高安亦有之

氣味甘辛温有毒

時珍曰人有中煤氣毒者昏瞢至死惟飲冷水即解獨孤滔曰

去錫暈制三黃礬砂消石主治婦人血氣痛及諸瘡毒金瘡出

血小兒痰癩時珍

附方新金瘡出血急以石炭末厚傅之瘡深不宜速合者加滑石醫學集成

誤吞金銀及錢在腹中不下者光明石炭一杏核大硫黃一皂子大為末酒下普濟方

腹中積滯烏金石即鐵炭也三兩自然銅為末醋熬一兩當歸一兩大黃童尿浸晒一兩

調食前服二錢紅花酒一盞童尿半盞同張子和儒門親事月經不

通巴豆去油如綠豆大三九以烏金石末一錢調湯送下即通衛生易簡方產後兒

枕刺痛黑白散用烏金石燒酒淬七次寒水石煨為末等分每用粥飲服一錢半即止未止再服

○紫古保命集

中當作下

石灰本經

釋名石堊弘景堊灰本經希灰別錄鍛石日華白虎綱目礦灰

綱目

集解別錄曰石灰生中山川谷弘景曰近山生石青白色作竈燒竟以水沃之即熱蒸而解俗

又名石堊頌曰所在近山處皆有之燒青石為灰也

風中自解此為有力水化者以水沃之熱蒸而解

其力差劣時珍曰今人作窰燒之一層柴或煤炭

一層在下上累青石自下發火層層自焚而散入藥惟用風化不夾石者良

氣味辛温有毒大明曰甘無毒獨孤酒曰伏雄黃硫黃礬砂去錫暈

主治疽瘍疥癢熱氣惡瘡癩疾死肌墮眉殺痔蟲

鍛

去黑子息肉經本療髓骨疽別錄治癩疥蝕惡肉止血

瘡血甚良權生肌長肉止血白癩癰瘍癩疔瘻

瘦贅疣子婦人粉刺產後陰不能合解酒酸治酒

毒暖水臙治氣大墮胎保散血定痛止水瀉血痢

白帶白淫收脫肛陰挺消積聚結核貼口噉黑鬚

髮時珍

發明弘景曰石灰性至烈人以度酒飲之則腹痛

中水洗諸瘡皆即瘥恭曰別錄及今人用療金瘡

止血大効若五月五日采繁縷葛葉鹿活草榭葉

芍藥地黃葉蒼耳葉青蒿葉合石灰搗為團如雞

卵暴乾末以療瘡生肌人妙神驗權曰止血瘡血

和雞子白敗船茹甚良不入湯飲頌曰古方多用

合百草團末治金瘡殊勝今醫家或以臘月黃牛

膽汁搜和納入膽中風乾研用更勝草藥者古方

以諸草雜石灰熬煎點瘡痣黑子丹竈家亦用之

時珍曰石灰止血神品也

但不可着水着水即爛肉

附方舊十四新人落水死裹石灰納下部中水痰

厥氣絕心頭尚溫者千年石灰一合水一盞煎滾

痰下自甦集玄方中風口喎新石灰醋炒調如泥塗之左

氏衍義風牙腫痛二年石灰細辛等分蟲牙作痛礦

沙糖和塞孔中風蟲牙痛百年陳石灰為末四兩蜂

煨一日研末擦牙神効名乾霍亂病糖水調服二

神仙失笑散張三丰方

本草綱目卷九

本草綱目卷之五 錢或淡醋湯亦可名 偏墜氣痛 陳石灰炒五倍子

落盞湯 摘玄方 婦人血氣 方見獸部 產後血

即消 醫方摘要 夜 張紫古活法機要 白帶

渴 調服一錢名桃花散 黃丹半錢渴時漿水

白淫 風化石灰一兩白茯苓三兩為末糊九梧子

方 水瀉不止 上方同 酒積下痢 石灰五兩水和作團

泥為末醋糊九梧子大每服三 血痢十年 石灰三

升日三服 崔知悌方 虛冷脫肛 帛裏坐冷即

易之 聖惠方 產門不閉 產後陰道不閉或陰脫出石灰

後方 肝 產門生合 不開用銅錢磨利割開以陳 腹

脇積塊 風化石灰半斤瓦器炒極熱入大黃末一

成膏攤縮上貼之內服消 瘧疾寒熱 一日一發或

塊藥甚効 丹溪心法 瘧疾寒熱 二三日發或三

日一發古城石灰二錢頭垢五靈脂各一錢研末

飯丸皂子大每服一丸五更無根水下即止 集

玄 老小暴嗽 石灰一兩蛤粉四錢為末蒸餅丸 疏

方 普濟 卒暴吐血 石灰干刀頭上燒研并 髮落不止

乃肺有勞熱瘙痒用石灰三升水拌炒焦酒三升

浸之每服三合常令酒氣相接則新髮更生神驗

金方 千 染髮烏鬚 礪灰一兩水化開七日用鈿粉一

以皂角水洗淨 身面疣目 苦酒浸石灰六七日夜先

乃用 集玄方 面靨疣痣 水調礪灰一盞好糯米全者半揷灰

方 面靨疣痣 中半在灰外經宿米色變如水精先

以針微撥動點少許于上經半日汁出剔去藥不得着水二日而愈也

贅 石灰一兩用桑灰淋汁熬成膏刺破點之

普濟方 瘡疽瘀肉 石灰半斤

半斤淋汁煎成霜密封每以

針畫破塗之自腐 普濟方 疔瘡惡腫 石灰半斤

傳之○**腦上癰癩** 石灰入飯內搗爛

普濟方 痰核紅腫 寒

狀如瘰癧石灰火服為末以白果肉

同搗貼之蜜調亦可 活人心統 疔瘡惡腫 醋

石灰傳之 便簡方 多年惡瘡 多年石灰研末雞子清和成

急**瘦瘡不合** 古塚中石灰厚

方 瘡有蟲 烏頭炮等

分為末燒飯丸梧子大每服二

三十九丸白湯下 活法機要 疥瘡有蟲 石灰洗之

數次 孫 血風濕瘡 瘡即愈神效 蘭氏方 火

真入方 醋和石灰塗之或同

酸丹毒 醋和石灰塗之或同

手滅元希聲侍郎秘 摘玄方 卒發風癩 醋漿和石

方也 外臺秘要 夏月癩疱 二兩甘草一兩蛤粉

撲之○**湯火傷灼** 年久石灰傳之或

集玄方 杖瘡腫痛 石

灰麻油調搽甚 刀刃金瘡 石灰裏之定痛止血又

妙 集簡方 速愈瘡深不宜速合者

入少滑石傳 誤吞金銀 或錢在腹內不下石灰硫

之 肘後方 黃一皂子大同研為末酒

調服之 孫 馬汗入瘡 石灰傳之 螻蛄咬人 醋和

聖惠方 蚯蚓咬人 其毒如大風眉鬚皆落以

古墓中石灰名地龍骨主治頑瘡瘦瘡膿水淋漓

歛諸瘡口棺下者尤佳 時 珍

船油石灰名水龍骨主治金瘡跌撲傷損破皮

出血及諸瘡癩止血殺蟲

附方 新 軟癰不愈

爛船底油石灰研末 油調傳之 胡氏方

下體癬瘡

驗船灰牛糞燒烟熏之一

血風賺瘡

船上舊油灰 將泥作釜火

煨過研末入輕粉少許苦茶洗淨 傳之忌食發物 邵真人經驗方

石麩

集解

時珍曰石麩不常生亦瑞物也或曰饑荒則 生之唐玄宗天寶三載武威番禾縣醴泉涌

出石化為麩貧民取食之憲宗元和四年山西雲 蔚代三州山谷間石化為麩人取食之宋真宗祥

符五年四月慈州民饑鄉寧縣山生石脂如麩可 作餅餌仁宗嘉祐七年三月彭城地生麩五月鐘

離縣地生麩哲宗元豐三年五月青州臨朐益都 石皆化麩人取食之搜集於此以備食者考求云

氣味甘平無毒主治益氣調中食之止饑

浮石

校正 併入拾遺水花

釋名海石 水花

集解

時珍曰浮石乃江海間細沙水沫疑聚日久 結成者狀如水沫及鍾乳石有細孔如蛙窠

白色體虛而輕今皮作家用磨皮垢甚妙海中者 味鹹入藥更良抱朴子云燒泥為瓦燔木為炭水

沫為浮石此皆去其柔脆變為堅剛也交州記云 海中有浮石輕虛可以磨脚煮水飲之止渴即此

也

氣味鹹平無毒 時珍曰 主治煮汁飲止渴治淋殺

本草綱目卷九

野獸毒 大止效 弘去目醫 宗清金降火消積塊化

老痰 震消瘤癭結核疝氣下氣消瘡腫 時

發明 藏器曰水花主遠行無水止渴和苦枯樓為

老痰積塊鹹能軟堅也時珍曰浮石乃水沫結成

色白而體輕其質玲瓏肺之象也氣味鹹寒潤下

之用也故入肺除上焦痰熱止欬嗽而軟堅清其

上源故又治諸淋按余琰席上腐談云肝屬木當

浮而反沈肺屬金當沈而反浮何也肝實而肺虛

也故石入水則沈而南海有浮水之石木入水則

浮而南海有沈水之香虛實之反如此

附方 新十欬嗽不止 浮石末湯服或蜜 消渴引飲

本事方浮石舶上青黛等分麝香少許為末温湯

服一錢○又方白浮石蛤粉蟬殼等分為末鯽魚

膽汁七個調血淋砂淋 小便澀痛用黃爛浮石為

服三錢神効 末每服二錢生甘草煎湯

調服○石淋破血 一升和煮二升澄清每服一升

直指方 小腸疝氣 莖縮囊腫者直指方用浮石為

傳信 冬煎湯調下○丹溪方用海石香 頭核腦痺 頭枕

附等分為末每服二錢薑汁調下 痰核正者為腦側者為痺用輕虛白浮石燒存性

為末入輕粉少許麻油調搽塗之勿用手按即漲

或加焙乾黃牛糞尤好 底耳有膿 海浮石一兩沒

亦治頭瘻 直指方 瘡瘡不愈 海浮石燒紅醋淬數次

字為末繳淨吹 之 普濟方 下食前一年者半年愈 儒門事親 疔瘡發背 浮

每服二錢半水煎服病在上食後在 石半兩沒藥二錢半為末醋糊丸梧子 諸般惡瘡

大每服六七丸臨臥冷酒下 普濟方

方同

附錄 暈石

拾遺藏器曰生海底狀如薑石紫褐色極緊似石是鹹水結成自然生暈味鹹寒無毒主石淋磨汁飲之亦燒赤投酒中飲

石芝



集解

葛洪曰芝有石木草菌肉五類各近百種道家有石芝圖石芝者石象芝也生于海隅名山島嶼之涯有積石處其狀如肉有頭尾四足如澤漆青者如翠羽黃者如紫金皆光明洞徹大者十餘斤小者三四斤須齋祭取之搗末服其類有七明九光芝生臨水高山石崖之間狀如盤盞不過經尺有莖連綴之起三四寸有七孔者名七明九孔者名九光光皆如星百步內夜見其光常以秋分伺之搗服方寸匕入口則覺熱五味甘

之當作芝

美得畫一斤長生不老可以成芝生于有玉之山玉膏流出千百年凝而成之有鳥獸之形色無常彩多似玄玉蒼玉及水精得而未之以無心草汁和之須臾成水服至一升長生也石蜜從芝生少室石戶中有深谷不可過但望見石蜜從石戶上入石偃蓋中良久輒有一滴得服一升長生不老也石桂芝生石穴中有枝條似桂樹而實石也高尺許光明而味辛時珍曰神仙之說渺茫不知有無然其所述之物則非無也貴州普定分司署內有假山山間有樹根幹枝條皆石而中有葉如榴裊裊茂翠開花似桂微黃嘉靖丁巳僉事焦希程賦詩紀之以比康于斷松化石之事而不如其名時珍按圖及抱朴子之說此乃石桂芝也海邊有石梅枝幹橫斜石柏葉如側柏亦是石桂之類

主治 諸芝搗末或化水服令人輕身長生不老 葛洪



Kitasato Memorial Medical Library